





家子集



卷之二



序

皆登皆觀之文則真游觀於

吳古爲都會山水富甲東南長材秀

民間見層出以濟時需獨唐皮日休

陸魯望隱松陵爲詩文相倡酬故吳

之山川自西子嬖娃宮鹿遊胥臺殘

花遺草烟霾雨暄悒鬱千載間皆能

發而化之爲詩余先子昔處是邦嘗



往來吳中皮陸之風尚可想見辛卯  
秋客燕子虛與予遊甚稔每話具區  
山水之勝出所爲詩風流蘊籍膾炙  
可喜皆不經人道子虛年未艾有能  
詩聲且通史西溪王中丞以茂材舉  
之辭不就予觀子虛多自負雖以時  
卷舒豈若唐之皮陸真能隱於詩耶

使子虛仕與詩並進大篇長什當有  
寫御屏者子虛姓宋舊以晞顏字行  
世居晉陵家值兵難遷吳冒朱姓云  
元真乙未中秋吳興趙孟頫子昂父  
序



天賦西北曰無曠古未有有姓而以無為  
 之名者吳人宋子虛乃以無為之名斯名  
 也殆自子虛始無是公烏有先生之始乎  
 盧仝馬異竝稱一時相與莫逆於是不能  
 無仝自仝異自異之對待吾欲取某姓而  
 姑名之曰有為子虛之對待則三千載之

敘

敘之關其始也子虛與莫逆於無

天賦西北曰無曠古未有有姓而以無為

之名者吳人宋子虛乃以無為之名斯名

也殆自子虛始無是公烏有先生之始乎

盧仝馬異竝稱一時相與莫逆於是不能

無仝自仝異自異之對待吾欲取某姓而

姑名之曰有為子虛之對待則三千載之



有姓氏不聞單無之隻字爲之名者徐無  
鬼魏公子無忌之屬生戰國者無之下必  
有連綴某字以爲之名未有若宋子虛之  
無有獨無對之特出苟求其故毋以則春  
秋之冉有乎或曰以冉有對宋無與盧仝  
對馬異固無以異而以歲月卜之吾東家  
聖師之闕里則去冉有也惜乎遠矣有無

姑置吾讀子虛所爲詩則求之吳中殆無  
詘第二指然則五葺三泖之地望不但無  
能名子虛者併與子虛之詩無之此邦不  
可無斯人可無其詩乎其烏夜啼公無渡  
河戰城南公莫舞至妾薄命古硯歌諸篇  
皆古錦神林鬼塚外帶三分鳳麟洲上飛  
仙羽翮格力其五言律風調悽惋不勝江



哀浦息之情  
淙如承恩金馬詔  
失意玉環詞  
落月今誰弔  
長庚夜自明  
雖使太白復  
生亦應爲之擊節  
七言律楊柳昏黃晚  
西月梨花明白夜  
東風秋千庭院人  
初下春半園林酒  
正中五言如乙鳥  
歸來社辛夷開過  
春如身黃松上鼠  
頭白竹間禽七言  
如桃葉歌殘秣陵  
酒梨花夢斷景陽  
鐘五

言如採藥逢毛女  
焚香對羽人  
如客愁三月盡  
春夢五更初  
七言如縮地日  
攜龍作杖臥雲  
時約鳳吹笙  
五言若蜀魄  
花成血山魃樹  
隱身竹枝歌  
峽夜椰子醉  
蠻春如空悲祖  
龍死但覺鮑  
魚猩如織女  
支機穩山人  
作枕便異或  
稱羊化疑應  
訝虎眠不須  
填碧海直欲  
補青天如勒  
銘留水寺應



供宿江城夏減游方興秋添住岳情標致  
極似盛唐諸人而對偶之工與寄之永飄  
飄然自拔於王金陵含風鴨綠粼粼起弄  
日鵝黃裊裊垂北風吹樹勁西日照窗涼  
之頂顛其絕句雅淡清潔一字不可易豈  
但吳中無子虛之詩乎子虛有韵人之姿  
而天壤間知子虛者無幾余知子虛最晚

恨余老無能爲矣姑取其詩集而序之好  
事者寫而傳之有味乎其言而時諷誦之  
彼嘲韵風弄涼月之客主豈特可標而出  
之大門之外雖却數十百驛猶俗氣溷人  
也子虛嘗舉茂才於王西溪平生獨刻意  
於詩宦情雲薄以故不肯輕就籠絡弊弊  
焉追逐時好以取世資其胸中泊然無營



殆眼中真無其匹者太湖三萬六千頃寧  
當無真識子虛者耶異時白醉吟生七月  
能識之無二字是孩提時已識宋子虛之  
名矣醉吟晚守姑蘇惜乎子虛不當是時  
如子虛當其時持其詩納之白傳則翠寒  
之集若不噓而登之白玉之堂他日亦應  
俎豆洛社諸人之右寧當碌碌落落吳門

乎雖然今世未嘗無樂天當別有識子虛  
者其未能如醉吟翁方孩提識之無者勿  
以語之翠寒其詩集之雅號云延祐庚申  
冬孟一日海一粟馮子振序



冬孟一日...

...

...

...

自序

僕幼游漢沔嘗從歐陽吳魚先生學先生學浩

灑莫窺其涯涘獨於詩少致力焉弱冠客江東識

中齋鄧侍郎于臺鄧與歐陽鄉友也屢以詩屬

和而啓發為多蒙知固深曾未敢呈稿尋以親病

亟歸公亦趣裝廬陵濱行殆見而序之泊吳興

趙翰長品題皆少年時作既方悔悟芟撫迨



盡至海粟翁印可者合二卷僉曰可傳而翁又  
割已資相之始刺焉今流落人間者是也甲子  
逾耳順息交却掃衰罷寢卧猶念往昔跋  
涉南北觸事命題衝口作語就亦棄去六七年  
間所作無幾閒拾殘餘裨成一卷里人江村民復  
取書之湖海大匠儻刊正諸幸

至元丙子秋吳病叟宋無子虛志于翠寒山隱居

翠寒集

目錄



烏夜啼

自君之出矣

二首

公無渡河

戰城南

公莫舞

長門怨

寶劍謠

枯魚過河泣

玉津園棄景鐘歌

妾薄命

天馬歌

古硯歌

五雜俎

湖上意



江上意

甘露寺放舶至瓜洲風

天作爐

送鄧侍郎歸江西

李翰林墓

長相思

月上人還西湖

次友人春別

答王子長

廢宅

春愁

南峯宴坐僧

訪山中隱者

別惠上人

目銅陵五松山中

浦口

山中書事

泰伯廟

三高祠

金陵送倪水西之江陵

戍婦言

送葛鍊師遠遊

雲雨

華蓋峯逸人

岳陽夜泊圖

江南思

寄王子長

明皇竝轡圖

贈皖山道士

送謝士良之江東

春閨

送僧還天目

破窗對古

寄郴陽廖有大

沙門島

漢宮



沙上詩

牆頭杏花

金陵懷古

墨梅寄因上人

首二

長信秋

句曲王尊師

萍湖山巖士

山中僧負之玉東

唐人四馬卷

首四

宮人斜帶圖

遊楞伽寺圖

猿南思

鶴雨

遊天姥山人

寄題無照西園

寄斷江上人

寄錢翼之

楊州卽事

水西之山刻

商人婦

玉環病齒圖

琵琶

杜工部祠

山中

湘竹杖寄無住

老將

老馬

老農

老牛

如鏡伐竹架過牆葡萄斷竹插地復生枝葉

無住序曰瑞竹余以詩贈之

無題

寄衣曲

首二

贈竺鍊師

送翟山人



贈日東僧

江上萬里圖

江南曲

蕃釐觀感瓊花

送母丘秀才自黔中歸益州

郊外晚望

揚州

寄山中僧

遊三茅華陽諸洞

四首

墨梅

杭州

羅噴曲

四皓

子陵

孔明

淵明

春歸

漁父

馬塍

蘇堤

玉津園

武穆墳

祚德廟

景靈宮

杭州

建業懷古

海上自之罘至成山覽

秦皇漢武遺跡

憶舊寄金陵馮壽之

詠石得天字詩

簡翼之

蟬閣思齊補東帽



送閔思齊浙東帥府掾

喜馬伯庸待制扈從還京

送陳行之之信州推官

寄翰苑所知

江上算泊

已亥秋淮南飢客中懷故里朋遊寄之

南峯歸雲菴

寄眠雲處士

水驛

靈岩寺上方

西湖酒家壁画枯木

客夜思親

以長句

南岳李道士画雙松圖

明皇臥吹簫圖

喜虛碧自龍虎歸

雨篷為吟友題

虎丘



觀沈氏盆開雙頭蓮戲

送宗上人遊金陵

吳中菊花盛開

題玉環聯轡圖

答無住上人

淵明像

太白扁舟圖

清明病中

春歸

觀沈氏盆開雙頭蓮戲

送宗上人遊金陵

悼郭祥卿錄判

閱張上卿仙遊錄

吳江石橋新成

答馬懷秀兄弟見訪

雨夜懷虛碧

簡無功

漁莊為魏濟民賦

雪夜有懷

唐宮詞補遺

大禹祠

西湖所見

題許山人居

秣陵晚眺

公子家業

姑蘇臺

席上贈歌者

竹枝詞

髮白解嘲

青衣洞隱者

貞義女廟

江東客中

田家見

宮詞

長卿

垂虹亭秋日遣興



阿房宮圖

送牟都事景陽赴浙東

故帥幕

驟網圖

初夏別業

燕

謝僧遺石鎗

荷錢

春日野步書田家

客燕雨懷

寒食

舊內臣家老馬

蚕婦

端石硯

東風

無題倣李商隱

早鄉田父言

雙陸

秣陵寓居

春病起卽事

孟能靜席上出四物分韵得牙背爬花字詩

成贈

蘭

許山人家

答無功歲暮見寄



昔山人家

答無水煎真貝寄

翠寒集目錄終

翠寒集

烏夜啼

廣平宋無

子虛諸子也

露華洗天天墮水燭光燒雲半空紫西施夜醉芙蓉洲  
 金絲玉簧咽清秋鼙鼓鞭月行春雷洞房花夢酣不迴  
 宮中夜夜啼栖烏美人日日歌吳歛吳王國破歌聲絕  
 鬼火青熒生碧血千年壞塚耕狐兔烏啣紙錢掛枯樹  
 觸髅無語滿眼泥曾見吳王歌舞時烏夜啼啼為誰身  
 前歡樂身後悲空留瑟



怨傳相思烏夜啼啼別離前燭樂長對悲空留瑟  
 淚自君之出矣樹樹離離無語盡思承會良吳王  
 自君之出矣妾不出閨門懷君不敢恨惟有感君  
 恩猶不眠宮中夜夜泣而為美人日日煇吳越吳  
 琴賦又絲王黃即前所錄楚辭曰行春雷同吳越  
 自君之出矣妾自奉尊嫜知君不思妾亦當思故

鄉 無渡河

公無渡河

九龍爭珠戰淵底洪濤萬丈涌山起鱷魚張口奮

靈齒含沙射人毒如矢寧登高山莫涉水公無渡  
 河公不可止河伯娶婦蛟龍宅公無白璧獻河伯  
 恐公身為泣珠客公無渡河公不然憂公老命沉  
 黃泉公沉黃泉公勿怨天

戰城南

漢兵鏖戰城南窟雪深馬僵漢城沒凍指控絃指  
 斷折寒膚著鐵膚皸裂軍中七日不火食手殺揮  
 人吞熱血漢懸千金購首級將士銜枚夜深入天  
 愁地黑聲啾啾鞍下髑髏相對泣偏裨背負八十



剗破旗褰屍橫道旁殘卒忍死哭空城露布獨有  
都護名

公莫舞

公莫舞公莫舞鴻門王氣歸真主何人睚眦赤龍  
子手循玉玦目相語令公莫舞公楚舞劔光射日  
白虹吐人發殺機天不與撞斗帳中咳亞父霸業  
明朝棄如土

長門怨

金壺咽淚蓮花澁銀箭浮遲渴烏泣知更阿監羅

襪冰暝對星河玉階立內官唱漏催曉籌芙蓉夢  
破燕支愁起來粧罷窺繡戶三十六院殘燭幽建  
章風傳鳳吹遠翠華晨幸昭儀館笙篴不語心自  
語愁長如天恨天短紅裯暖踏楊花雪絳縷閑封  
守宮血鸚鵡空猜警蹕聲春寒緊護流蘇結

寶劍謠

鍊精蒼玉龍景潛萬丈虹孤電走白日老冰立秋  
空提出天地愁八極來清風未逢龍準帝古匣塵  
土蒙大蛇當道兮若斷秋蓬嗚呼寶劍兮亦將遇



乎英雄

枯魚過河泣

北溟有鯤歎薄崑崙氣吞積石摧禹門過河河水  
枯蹤跡困泥塗垂涎向海若能濟涓滴無中流有  
魴鯉不貸斗升水巨口走噏喁逆游莫若鮪鯤兮  
鯤兮爾泣何由龍伯知決雨津倒天池澤水橫行  
隨鯤所之揚鱗爲謝魴與鯉還有桃花春漲時

玉津園棄景鐘歌

炎精不靈火不德赤熛怒帝喪英魄羿弓射日日

無光黃金大鏞破釜色天崩七廟移神虛鬼哭長  
陵一坯土十二盤傾夜月寒漢銅仙人淚如雨六  
龍屈曲眠秋草草根蟪蛄語昏曉紫苔滿地愁古  
春東風吹得乾坤老蝸涎烏篆銀泥剝烏喙蒲牢  
戲左角更殘漏斷聲莫聞凡雞司晨尊鍤鐸

天黑妾薄命

雲母屏琢春冰鮫女織蟬翼輕比妾妾薄命比君  
君薄情紅綿拭鏡口膽明還疑妾貌非傾城從來  
有人妒况復君心不如故故人心尚疑峯九新妾



那能無故時補天天高填海海深不食蓮葍不知  
妾心  
天馬歌  
天馬天上龍駒生天漢間兩目爽明月蹄削崑崙  
山元氣飲沆瀣躍步超人寰天上玉帝老不騎饑  
食虎豹曉出關滅沒流彗姿欵忽紫電顏黃道三  
十六萬里日馳週天去復還時乎降精渥注中龍  
性變化終難攀天馬來瑞何朝化爲龍應童謠騶  
虞仁獸恥在垆龍亦絕跡歸赤霄風沙豈無大宛  
種雖有八極安能超天馬來雲霧開天厩騾裏鳴  
龍媒龍媒不鳴鳴駑駘

古硯歌

神媧踏雲補天去遺下一團蒼黑天千年萬年乾  
不得長帶盤古青紫烟玉上剖天天化石石內星  
精有餘魄瑠光發烟成禹壁海王川后輸玄液帝  
青呵霧坤倪濕匣月不開太陰泣破天殘缺無人  
補一穴絲絲漏春雨空藏老石磨今古補天何時  
與天語



與天五雜組

五雜組角黍絲往復還借書甌不得已居九夷  
五雜組冠冕纓往復還戍卒更不得已困平城人

湖上意

晚過鴛鴦浦無心唱採蓮莫嘆蘭漿急爲要趁前  
船

江上意

朝來暮還去寒潮不會住江水亦有情佳期幾番  
誤

甘露寺放舶至瓜洲風作

天造西來險山迴北固形斷崖纏赤日孤柱擘蒼  
溟此地何能限長江或有靈然犀夜照浪飲馬曉  
吞星鐵鎖沉寥廓樓船沒杳冥乾坤一衣帶吳楚  
兩郵亭擊楫人人倦吹笳處處聽海門沙自白瓜  
步草猶青夢墮浮家樂魂遭捩柁醒計程秋獵地  
問舍暮漁汀倏忽波濤變匆忙網罟亭疾颺移蚌  
室暗雨卷龍庭鼉鬪鼉鼉壯豁訝樹石腥危檣連  
偏仄高岸失玲嶸世事無深測生涯獨未寧愁煩



復消釋題詠紀曾經專無烈賦生到國未寧愁  
空都送鄧侍郎歸江西 光薦

中國衣冠盡孤臣蹈海迴秦思魯連操漢憶賈生  
才天遠文星隱江平畫鷁摧人尋芳草去雁到故  
鄉來山色催行櫂波聲送客杯身還蘇武節夢泣  
李陵臺水落蛟龍縮城空鼓角哀蒼梧雲浩蕩黃  
屋浪崔嵬夜雨江籬濕春風杜若開祇令少微動  
慎莫應三台

李翰林墓 二首

嗜酒傲明時何因賀監知承恩金馬詔失意玉環  
詞名與三閭並身將四皓期匡山有書讀應亦嘆  
歸遲

又次人春限

一騎紫鯨去空掩謝山瑩落月今誰弔長庚夜自  
明乾坤沉秀氣江水帶哀聲天上多宮府文章不  
可輕

長相思 西廂

昨夜相逢處朦朧春夢中遼西書不到莫是戍遼



東坡先生集卷之七 西湖

月上人還西湖

南峯歸度夏舊業在煙霏  
半夜聞清磬一燈明翠  
微雲蘿尋寺遠猿狖見人稀  
想到經行處天花繞  
錫飛

次友人春別

波流雲散碧天空魚雁沉沉信不通  
楊柳昏黃晚  
西月梨花明白夜東風秋千庭院人初下  
春半園  
林酒正中背倚欄杆思往事  
画樓魂夢可曾同

答王子長

病後得書頻情知未立身孤燈風雨夜  
兩處別離  
人乙鳥歸來社辛夷開過春如逢元白問  
莫說爲  
詩貧

廢宅

金谷花開得幾春東風吹逐路傍塵  
蛙鳴私地爲  
官地燕認新人是故人珠履賣錢豪客散  
玉釵乘  
傳舞娥顰獸環一鎖歌鐘斷時有鴉聲恐  
四隣

金瓶春愁



金雁塵香暗鳳絃紅繩風緊閣秋千園林寂寞無  
鶯燕一段春愁是杜鵑

南峯宴坐僧

空岳稿木形入定掩松扃鵲供啣來菓猿看誦罷

經雲霞埋衲重苔蘚上鞋青只有樵人識曾因採

茯苓

訪山中隱者

遙聞搗藥聲知有幽人家相尋却無路又隔一谿

花

別惠上人

秋歸虎谿月攜錫入雲松又向深山住還聞古寺

鐘出生供野鳥持呪伏潭龍好去東林下吟看五

老峯

銅陵五松山中

樵聲聞遠林流水隔雲深茅屋在何處桃花無路

尋身黃松上鼠頭白竹間禽應有仙家住避秦來

至今

浦口來



浦口晚潮來佳期那可待浪急行蘭舟蘋花更難採

山中書事

學道志雲霄自然塵念拋雨寬琴上線風響樹間

瓢果熟供猿食松高任鶴巢看他陳處士終被華

山招

泰伯廟

古者吾夫子曾稱三讓名後來秦失鹿劉項死相爭

三高祠

退能合天道隱亦是人豪借問祠前水如今幾個

高雨陣陣暮暮濤寒王

金陵送倪水西之江陵

楚江江上暮雲東萬里春波去意濃桃葉歌殘秣

陵酒梨花夢斷景陽鐘沅湘水落瓊瑤合巴蜀山

來錦繡重回雁峯前見歸鴈相思何處再相逢

戍婦言

姑嫜有妾奉征戰盍郎行早取封侯去封侯妾亦



榮華富貴本空烟  
盡取早頭桂對去  
桂對去亦  
送葛鍊師遠遊

仙翁去醉碧桃春  
鶴背風吹萬里身  
洞裏棋高饒  
幾子瓢中詩好寄  
何人三峯紫翠浮  
芒屨五岳煙  
霞染葛巾  
歸日定知能縮地  
莫教青竹化龍鱗

雲雨

雲雨朝朝暮暮新  
襄王魂斷楚江春  
武丁曾有中  
宵夢惟覓巖前版  
築人  
華蓋峰逸人

十步九岳壑結茅  
無四隣  
山中春雨過  
水上落花  
新採藥逢毛女  
焚香對羽人  
時攜一瓢酒  
醉著去

朝真

岳陽夜泊圖

長憶巴陵山水秋  
老來看画却成愁  
箇中無聽猿  
啼處若聽猿  
啼更淚流

江南思

暮雨娥皇廟  
春風西子城  
相思行不得  
更聽鷓鴣  
聲



寄王子長

薄宦仍依楚長聞傍酒壚客愁三月盡春夢五更  
初吟卷看花掩行牀並竹鋪江湖有佳句知我每  
相於

明皇竝轡圖  
三郎沉醉玉環隨不上金輿索馬騎老大獨歸南  
內裏風流無復並鞍時

贈皖山道士

世人曾不識頭帶樹皮冠閒種藥來賣醉將琴去

彈鶴啣仙菓下猿竊玉書看莫服丹砂好恐師生  
羽翰

送謝士良之江東

謝安遊賞去別酒惜臨分萬里甘爲客三春苦送  
君風帆歎逆水江樹入空雲若過青山下須題李  
白墳

春閨

閒画金釵記遠人杜鵑啼血又殘春琵琶絃上無  
多字近日相思彈不真



送僧還天目不真

餅錫亂峰西  
藤蘿晝掩扉  
山藏翠微寺  
僧向白雲歸  
梵寂風沉磬  
禪深雪到衣  
想曾行道處  
猿鳥共忘機

破牕

蘇畫蟲絲紙半無  
雨分錢點入櫺疎  
秋風吹得青燈滅  
螢火飛來照讀書

寄郴陽廖有大

遠宦身安不題書  
淚幾行千山萬水路  
一日九迴

腸鴟鳩懷春語  
靡蕪入夢香  
王孫歸未得  
歸得早還鄉

沙門島

孤嶼壓滄海  
風濤直下危  
蛟人依蜃市  
魚女祭龍祠  
月黑犀牛鬪  
波紅螭竦垂  
登臨有奇觀  
感慨但言詩

漢宮

武帝昇霞玉殿空  
金人夜泣月明中  
三千嬪御無行幸  
猶費丹砂飼守宮



沙上只餘殘雪宮  
四望無邊際中浮一片沙人居釣艇官賦種蘆  
花渚綠紅蒿短江清白鳥斜垂流欲東去萬里寄  
生涯

歸日牆頭杏花  
紅杏西隣樹過牆無數花相煩問春色端的屬誰  
家

金陵懷古

宮甃賣盡雨崩牆  
首菑秋紅滿夕陽玉樹後庭花

不見北人租地種苗香

墨梅寄因上人 六言

寒枝香在天外疎花影流水中梨雲夜深清夢草  
玄筆底春風

又

夢覺霜林墮月眼明野水浮枝橫玉不吹春去斷  
縑閒寫相思

長信秋

長信秋來月自圓  
夜香猶拜玉階前妾今不願君



王寵惟願君王壽萬年  
曾拜王前妾今不願  
王

句曲王尊師

不與俗人接草堂雲自封  
有時鍊丹去無處覓行蹤  
樹暖猴捫蝨花香鹿養茸  
曾期尸解後終隱大茅峰

文筆萍春風

風波長不定浪跡在天涯  
莫怨身輕薄前生是柳花

不長山中僧

雪頂霜眉齒半稀  
跣趺苔石看雲歸  
山童掃葉鶴飛起  
狼籍松花滿衲衣

唐人四馬卷

金銜初脫齒新齊  
蹄玉無聲赤汗微  
昨日杏園春宴罷  
滿身紅雨帶花歸

又

簇杖回來玉勒閒  
黃門牽向落花間  
君王不愛長楊獵  
嘶入春風十二閑

又



霜蹄踏月早朝回尾弄紅絲拂紫苔日暖龍池初  
洗罷尚方聞進御鞍來

太僕新調試錦韉九重日色照連錢春來興慶池  
邊路偏稱宮中軟玉鞭

步搖明月冷無光骨掩春泥草亦芳艷魄不隨紅  
粉盡化為蝴蝶舞昭陽

雲可遊楞伽寺

歸  
蘿逕入蒼靄鐘聲來翠微招提在何許雲外一僧

猿

巴峽聞聲愁斷腸冷泉照影綠陰涼藤搖亂雨領  
兒過樹曬斜陽拾蟲忙獻菓去尋幽洞遠攀蘿來  
撼落花香空山月暗無人見啼入白雲深處藏

鶴

毛骨珊珊白雪清千年世上頂丹成晴飛碧落秋  
空濶露立瑤臺夜月明仙島雲深歸有信天壇花



落步無聲時來華表何人識依舊翻身上玉京

手骨遊天姥山前千手世土面丹丸散藥靈藥煉

欲去不得路自將蘿葛捫相逢採藥叟偶入落花

村晴草鹿眠軟雨潭魚上渾無人動煙火應取曉

霞吞

寄題無照西園泉照溪碧對松翠點山雨

近地棲禪室祇園草木薰鞋香花洞雨衣潤石欄

雲松吹和琴雜茶煙到樹分遙知道林輩來此論

玄文

寄斷江上人

長江瀉百灘句截斷狂瀾片石青松下孤風白日

寒空花隨塵落曉月對棋殘誰共清吟癖岳扉敞

夜闌

寄錢翼之

作賦擬相如何人誦子虛琴彈中散操扇玩右軍

書北闕青雲近南冠白髮疎煩君傳遺逸着我入

樵漁

揚州卽事



玉壘開方面金湯控上游連營驃騎宅重柝雁行  
 樓疆弩虛空發飛橋日夜浮煙生烽燧地草死虎  
 狼秋此處兵威震當時國步憂六年襄郡守三策  
 蓋臣謀大將深圍陷長江萬里休兩淮先按堵孤  
 注獨橫籌破竹纔乘勢聞風已置郵乾坤機軸轉  
 海嶽版圖收春變山堂柳波通汴水鷗平坡南下  
 馬遠渡北來舟無復瓊花夢猶餘芍藥愁塵埃何  
 豎子還擁黑貂裘

商人婦

日日湖頭望望夫夫未回無情春水恨祇送別船  
 來回幾度山頭前野來買客木蘭船  
 宜泉石對

玉環病齒圖

一點春寒入瓠犀海棠花下獨顰眉內厨幾日無  
 宣喚不問君王索荔枝春草風吹轉粉黛人人翠

琵琶

一片相思木聲含古塞秋琵琶是誰製長撥別離

愁藉史公忠文墨萬古孤洲悲劇李白應藏去

杜工部祠  
 人苦  
 風寒  
 皇  
 日  
 出  
 廟



老病思明主乾坤入苦吟秋風茅屋句春日杜鵑  
心詩史孤忠在文星萬古沉祗應憶李白到海去  
相尋

山中

半嶺松聲樵客分一溪春草鹿成群採芝人入翠  
微去丹竈石壇空白雲

湘竹杖寄無住

朱向舜妃江廟前得來賈客木蘭船老宜泉石搯  
慵態吟稱煙霞倚瘦肩宴坐夜和金錫憇經行春

卓紫苔穿知師道價神龍護莫謾騰空去九天

老將

殺氣消磨暗鐵衣夜看太白劍無輝舊時麾下誰  
相問半去封侯半不歸

老馬

瘦蹄生入玉門關病放沙場戰骨閒歸齧殘芻應  
有淚將軍頭白戍天山

老農

倩搔背痒坐深村愛說前朝賜帛恩縣帖不來尋



社長自攤牛契教玄孫  
前陣黑鳥思絲神不來  
社

老牛

草繩穿鼻繫柴扉  
殘喘無人問是非  
春雨一犁鞭不動  
夕陽空送牧兒歸

如鏡伐竹架過牆  
葡萄斷竹插地復生枝  
葉

無住序曰瑞竹余以詩贈之

為引寒藤延晚翠  
試栽碧玉動秋根  
鳳梢依舊生虛籟  
龍籜相將添遠孫  
林月過庭窺斷影  
茶煙潤色到啼痕  
湯休麗藻題還徧  
貝葉應多此處緇

無題

花影玲瓏滿繡牀  
自調綠綺背紅牕  
惆悵佳期學絃線  
七條哀怨不成雙

寄衣曲

聞有宮袍賜翻令  
閨意傷良人在行  
伍祗待妾衣裳

又

征衣須早寄遙憶  
藁砧寒莫訝啼痕  
少相思淚已乾



贈竺鍊師

姓疑乾竺古先生霞外幽栖近四明履斗星移冠  
劍影步虛風引珮環聲藥宮夜喚青鸞降花洞朝  
騎白鹿行長使芝童看藥竈爲耽瓊液過蓬瀛鶴  
傳仙語歸華表魚寄丹書上赤城怪石醉中拈筆  
畫險碁靜裏按圖爭玉桃竊慣慵留種瑤草尋多  
盡識名縮地日攜龍作杖臥雲時約鳳吹笙海邊  
定與安期遇關上當逢尹喜迎我本翠寒山道士  
相隨便欲採黃精

送翟山人

聖代容高尚山林隱去休方知堯舜日亦自有巢  
由

贈日東僧

肄業重溟外隨緣大夏中錫飛鯨海靜杯渡蜃樓  
空音信千峰隔華夷一水通秋深故國夢應與逝  
川東

江山萬里圖

只尺寒流千萬峰湍聲寂寂暮猿空買船欲泛春



潮雨楚樹吳雲是畫中

江南曲

遙天碧蕩蕩遠草綠  
情情併作相思海  
春來一樣深

蕃釐觀感瓊花

后土祠南喬坤維  
媿室家國封嚴典  
禮宮祀尚褒  
嘉不是神靈異焉  
能眷邇應須有玉  
女到此賞瓊葩  
麗服從空降明粧  
倚日斜同揮五雲  
扇共駐七香車  
月姊羞調粉風姨  
罷散花青童迴絳  
節金

母屏彤霞故事唐  
時盛佳名數代誇  
塵根雖下累天意  
在中華雪讓瓏璁  
巧冰銷刻鏤取人  
間惟獨爾地上更  
何加萬籟殊寥落  
群芳避艷邪玫瑰  
誠執御芍藥等泥  
沙聖運俄驚輟兵  
強忽肆拏舛訛難  
核實真贗遂聳牙  
雷雨還驚蟄潛藏  
重發芽芴枝微舊  
岫新葉謾榮莠尤  
品終蕪沒珍蕤逐  
水涯兩朝成草莽  
九廟雜龍蛇古殿  
蘭旗暗殘爐桂燎  
賒薜顏愁想像珠  
樹絕驕奢寂寞無  
雙譽徘徊但自嗟  
八仙聊免俗消得  
寶欄遮



送母丘秀才自黔中歸益川

黔南萬里地劍外去寧親蜀魄花成血山魃樹隱  
身竹枝歌峽夜椰子醉蠻春歸訪王孫宅彈琴有  
故人舊賦游葉鬪榮華水品絲燕以冬珠忍水  
鐵郊外晚望  
野曠行人少林荒夕照微煙中一聲笛何處牧兒  
歸

揚州

紅橋二十四明月照笙歌若是迷樓在遊人應更

多

寄山中僧

名山舊隱巖巒秀精舍蕭閑殿閣虛像禮梅檀千  
古佛經翻貝葉五天書獸依草座跏趺後禽下花  
臺施食餘空翠濕衣橫卽栗紺泉澄盃涌芙蓉鷺  
峰夢遶雲中寺鹿苑身栖物外居清梵夜迴松月  
冷孤禪晝起栢煙疎曙鐘寒韻侵虛籟午供春香  
入野蕪道念有時憐老病塵緣無計問真如遠公  
若許來同社陶令何妨去結廬便向東林傍尊宿



菩提從此發心初

人遊三茅華陽諸洞

冠帶寒星帔剪霞步虛去宴玉晨家醉歸却跨青

鸞下衝落碧桃無數花

又

玉案清香徹夜焚紫煙成蓋覆茅君數聲金磬秋

壇霽敲碎遙天一縷雲

又

書滿琅函閉不開雲牕霧閣鎖青苔門前白鹿將

麈過定是避秦人引來

中  
又

淡染雲霞五色衣杏壇朝罷對花披洞中養隻千

年鶴長被仙人來借騎

墨梅

生意玄煙裏春工毛穎中枝頭兩三蓋開不假東

風似到孤山下斜枝入眼中分明幾點雪欲折又

成空

杭州



錦繡波翻太液空一池寒雨落芙蓉內前尚有中  
宮住却聽西蕃寺裏鐘

玉井荷花碧中藏偶意深綠房千萬葯多少可憐  
心

四皓

四老本英雄來成羽翼功向令秦重士未必隱山

中

子陵

乾坤罷戰塵漁釣可藏身何事劉文叔猶來覓故

人

孔明

有心興漢室不意託孤兒帝昔曾三顧臣今表出

師

淵明

心寄羲皇上生逢晉宋時風流千古意只有杜鵑

知

春歸



報道春歸去忙來看落紅豈知春不去還在綠陰中

漁父

紉草成春服汲湘供晚炊人間風浪險醉裏幾曾知

馬塍

桃李宮城近偏承雨露恩至今耕種地一半作花園

蘇堤

漢苑花何處唐陵栢已空相逢大堤柳令我憶蘇公

公

玉津園

御愛花無主長生樹幾時青青輦路草盡屬牧羊兒

武穆墳

若論將軍勇神京反掌圖中原數千里可惜葬西湖

祚德廟



祀典當時盛忠會保趙孤誰知宋祚絕今與廟俱無

景靈宮

孟月祠原廟都人憶故宮當年駕幸處喬木鳥呼風

杭州

山勢猶龍鳳行宮已劫灰北人偏悵望曾見汴京來

建業懷古

離居迫馳道晨往內西門屏營無顧問偶逢路人言昔有六代宮今為百姓園阿閣餘故基層城但頽垣金鋪失嚴邃玉座變荒涼陳昏蚤墮滅隋奢亟崩奔樂極終復悲替興相覆翻結綺徒構恨臨春工鎖寃貴嬪艷亦無麗華皆不存高堞烏鳥集沃壤蓬蔴繁鴟如拜月魄蝶化尋芳魂草遺舊裙色花泫新啼痕空餘龍津水流入魚藻渾猶涵睿澤在尚感陽和恩孰知涓滴微曾悅萬乘尊坐令芻蕘賤禊飲汗其源念彼禾黍地淒然難具論寵



深乃見辱涕下還成吞

海上自之罘至成山覽秦皇漢武遺跡

霧氣沉坤極濤聲撼北溟雲霞五色水丹碧萬重  
屏脉絡華夷秀并吞宇宙青石梁橫地戶洞構壓  
風霆砰磕紛鳴鼓溟澗疾建瓴提封思霸王巡狩  
陟遐垆黔首何多難皇居不少寧山驅麟避數海  
塞蜃遷庭鹵薄周荒服鱗蟲畏典刑天吳驚象駕  
精衛泣鑿鈴浪激秦嬴怒嵯崩漢武靈空悲祖龍  
死但覺鮑魚腥采藥終驕妄求仙竟杳冥惟聞傳

二世無復享千齡古昔飛騰客能存變化形解交  
烏兔髓定翳鳳凰翎玉檢微藏旨金丹別有經東  
華司竿曆南岳攷功銘億劫開玄闕三宮護紫扃  
睿仁斯可冀淫暴詎堪聽謾致安期舄虛邀阿母  
駟昆池波鼎沸阿閣土花零夜雨虵升樹春潮蛤  
上汀茂陵迷亂草禁苑暗流螢奢侈如飄電危亡  
若炳星明君當至治方士或來停火宅休生棘情  
河易轉萍願逢清靜化昌運幾時丁

憶舊寄金陵馮壽之



憶昔江東日離居託孟隣儒家見君好談席偶情  
親南斗文昌近西山爽氣新驪珠驚俗眼瓊樹倚  
芳晨大雅今重覩奇才豈易倫珊瑚生海網汗血  
出天津句滿雞林賈名齊雁塔人傳經心入聖用  
筆意凝神射策應先手藏環定後身巨流思待濟  
吾道詘當伸落魄傷遲邁依棲笑隱淪三年爲倦  
翼萬里作窮鱗伏枕思霜橘歸溪戀紫萼鴻稀石  
城信魚隔太湖濱故宅閑多草空船獨採蘋夜吟  
酬蟋蟀暮景歎麒麟老恐襟期斷悲懷轍跡陳舊  
峰還似洛淮水想猶秦勝地登臨數殊鄉夢寐頻  
潮吞李白月花動謝安春有興須相覓無聊謾自  
呻休疑交契濶尚覺膽輪困遠物那堪贈佳音欲  
細詢勞歌因奉寄題罷更沾巾

詠石得天字

肢脉崑崙析胚渾混沌先靈分玄島峙秀聚景雲  
鮮覆壓風雷窟枝撐宇宙穿峻嶒欹篠霧歷棘聳  
蘿煙業業棲危壁磷磷過瘦涓雨攻繩眼斷浪擊  
彈窩圓筆架珊瑚豎屏圍瑪瑙偏骨攢猙鬼竦脊



凸老蛟踰劍卓空蒼色矛森紫翠顛醜宜鑄鳥篆  
剛可利龍泉怪漬潮汶濕頑和地軸連篔簹梢映  
帶薜荔葉縈纏磊砢蛇身縮崩爭鳳勢偏蘚侵題  
字處藤絡倚筇邊碎礫鋪文具尖峰砢黛蓮竇深  
膏乳滴甃潤土花泔儼若峨冠者昂如峻士焉磴  
危欺木屐磯滑怯苔氈移恐嵐光動捫嗔野蔓牽  
衝湍聲類磬謝瀑韻成絃硬性辭斤鑿嵌形欠畫  
傳鼓歌傷莫續鼎句歎難聯砥礪誠由著磨礪學  
及遷畜奇希抱璞煉餌詫飛仙寸勢垂千仞鬼胎

結幾年巖暉知產玉峽束見奔川織女支機穩山  
人作枕便隕星沉戰域敲火出魚船異或稱羊化  
疑應訝虎眠龜埋遺碣下麟什古瑩前屹立中流  
壯平施大礎堅懷沙嗟放逐凝魄惜嬋娟德必穹  
碑紀詞當巨硯研險思經灑瀕功擬勒燕然嵩岱  
歸諸掌蓬瀛寄一拳不須填碧海直欲補青天

答無住和太初韻見寄

寶地人來少樛陰自晚晴片雲依石潤孤磬出花  
清竹篔分泉細檀香上氈輕勒銘留水寺應供宿



江城適楚濤喧定歸吳雪滯行雨苔粘凍展廊葉  
覆閒枰琴爲蛇紋買書因鳥跡評眼高無佛祖詩  
癖有山兄句妙唐風在心空漢月明晝禪休樹影  
夜梵雜松聲夏減遊方興秋添住岳情何時修白  
業去結嬾殘盟

簡翼之

碧樹綠蕪空亂雲故人何處隔江村舊書在手再  
三讀新恨從頭又一番竹幘隨行家具活蘭亭摹  
出典刑存幾時定訪楊雄宅爲問太玄經裏言

送陳衡中之越

見說會稽郡風流如晉時貧惟將母去清不要人  
知修竹王猷宅春風夏禹祠到官游有暇好寄剡  
中詩

蟬

高柳夕陽收繁絃奏未休數聲風露飽一殼古今  
愁涼思知秦樹哀鳴亂渭流年年離別處幾曲送

殘秋

上馮集賢



忠言如海膽如山趣入金門虎豹間玉笋曉班聯  
鷺序紫檀春殿對龍顏氣凌百辟星辰動賦就三  
都造化閒豈向長沙淹賈傳淳風會見筆追還

送閔思齊浙東帥府掾

希賢

南越連閩徼東瀛貢百蠻軍營威帥閫記室比官  
班之子稱時彥群公譽早攀詩壇堪白戰幕府政  
朱顏橫槊金飈動談兵玉帳閒貨通夷舶富民羨  
國風還夜柝鯨潛海春旗豹隱山攜琴遊有暇挈  
榼酒休慳將佐知書貴勲名待詔頒孟堅詞訟作

留照汗青間

喜馬伯庸待制扈從還京

祖常

嚴蹕傳聲入建章漢官趨陛肅鴛行駕迴黃道清  
塵動人在金鑾白日長承詔曉聞天語近賜衣春  
覺聖恩香馬卿賦獵兼忠諫獨許驂乘錫尚方

送陳行之之信州推官

漢守曾懸榻家聲復世綸贊廉推士雅列郡重嘉  
賓昭代詳刑讞賢僚體聖仁袴襦憐故老狴犴念  
寃人英幹登時望文華異等倫固宜膺寵渥豈但



活罷民江左名藩舊風流佐幕新平反須有頌剛  
決看如神郅鑒初榮養黃香早締媼錦還鄉已晝  
綵戲室俄春自補尋山屐誰親墊雨中拊循恩易  
洽煦嫗俗當淳曲動陽關疊樽移祖帳陳未能忘  
手握何得更情親羨爾丹霄貴悲余白髮貧尚期  
金鼎藥猶客素衣塵巖壑將幽賞煙霞欲隱淪交  
游千古事離別百年身楚澤寒多鴈吳波暖見鱗  
相思不相見音問莫辭頻

寄翰苑所知

多士當文治明良際盛時騷壇先佩印策陣已搴  
旗西極蹄千里南溟翼四垂疾雷天地破崩嶽鬼  
神移學過三都賦神超七步詩陰何須大賞鮑謝  
只平欺尺璧光難掩華鐘響發遲人遊丹桂窟鳳  
噓碧梧枝漢室方虛席枚臯復擅詞數承恩詔見  
趨赴重官儀皇閣登清要蒼生息舊疲星辰侵履  
舄桃李傍堦墀珂里豪家逐銅駝樂部隨行歌金  
驥裏醉舞玉參差杜曲花偏滿蓬壺酒不辭弓開  
射熊館劍倚化龍陂秀彥居同案軒車出共馳侯



門相雜選寒素獨吁嘻塵榻應容下仙舟可待追  
亦慚才莫逮終負志難衰攀附羞蘿葛徬徨向路  
岐未酬題柱興徒抱練絲悲幽谷音猶澁鹽車力  
尚卑泥途淹駮駟荆棘困黃鸝睨睨還求友騰驤  
却避羈愁吟長鋏伴閒夢矮牀知縫掖今誰貴乘  
桴任所之短章非善頌聊以展吾私

尋貞白先生舊居

百折歷雲嶠千花通水源寒藤垂到地怪石立當  
門白壤煉丹赤清池磨劍渾曾來誦經處片雨滴

苔痕

江干暮泊

野色隨墟落江臯煙景饒遠村明晚燒高岸沒春  
潮覽鏡芳年去援毫藻思銷琴書苦行役不敢問  
漁樵

子陵祠堂

一見故人歸去來漁竿不肯博三台漢陵今日無  
坏土惟獨先生有釣臺

巳亥秋淮南饑客中懷故里朋遊寄之



行李依吳榜飄蓬更楚鄉山川歲云暮風雨夜何  
長此地從兵革斯民復旱蝗薦飢懷賑粟久渴望  
攜漿船婦爭遺穗樵童拾棄芒哭喪多藁葬征旅  
少羸糧豈有災重併而無戶損傷一年租幸免衆  
口飯誰將生晚羞干祿憂時念彼蒼悲歌思請劍  
頽墮輒椎牀宵枕當寒溜晨梳候曙光牧羊人戢  
戢放馬草荒荒木落明秋野江空月照霜城烏頭  
併白水樹葉先黃羈客情難遣朋儕興不忘投瓊  
花院內博塞竹林傍尚恐詩盟淺猶嗔吏鞅妨偏  
提隨款段笊簪下滄浪稍遂田園計終須蘿薜藏  
松筠親戚輩麋鹿弟兄行春寺尋暄暖晴波泛渺  
茫清泉濯足冷紫菊染巾香醉任王侯貴閑辭禮  
數忙龐公厭州府陶令樂柴桑酬答幽期愜交游  
素願償短章應得附真賞莫能量頗似岑參句名  
因杜甫揚流傳千載後直欲繼前唐

南峰歸雲菴

雲伴老僧居翠微老僧應共白雲飛杖藜西去人  
東去日暮僧歸雲亦歸



建業閒居春思

杜曲芳菲早江城店舍烟雨青榆莢地風白柳花  
天愁結丁香上醒餘禁酒前病多遊冶少春事亦  
留連

寄眠雲處士

聞說華陽洞人間第八天茅君旌屢降弘景駕常  
延地吐黃金氣潭流碧玉泉神丹光夜發朱草葉  
春妍羽客家相接麟洲脉共連山遺秦女藥鋤得  
漢朝錢處士懷貞遁長生契宿緣童顏曾辟穀鶴

相合成仙嘯傲三峰上披研萬化先囊攢五行物  
劔握七星權石鈿青精飯風爐紫朮煙赤松齊遠  
躅玄俗並遐肩九轉功將就雙親念復虔却攜瓊  
笈轉歸枕白雲眠薊子家嘗歷壺公訣盡傳路回  
蓬島下杖化葛陂邊經案苔侵徧閒枰雨滴穿池  
留洗瓢水壁挂斷琴絃蕙帳狷空怨蘿牕月自懸  
岳存容悵望澗去意潺湲局久碁多變寰清鼎又  
遷衲衣期異日築室定他年季世嗟予晚幽栖志  
獨堅欲隨蒲坐具已辦布行纏學道無如此遊方



恐未然尚遲甘旨奉更被苦恩牽腦慮精難滿心  
憂影或偏蘚壇情願掃茶竈手能煎根究嬰兒後  
參同混沌前求真不易遇師匠早哀憐

辟支岳道人

髮寒多不剃門雪少曾開瓦鉢幾星芋石牀三面  
苔緣衣蝨懶拾避獵鹿長來見說岳頭樹前生手  
自栽

水驛

水驛相連曉夜行渾無心記短長亭莫笑楊花道

飄泊人生自有一浮萍

李陵臺

寒風揚塵走沙石朔氣僵人馬辟易五千步卒當  
數萬空拳奮張爭無敵單于趣降聲疾呼道窮矢  
盡身為俘歸無面目見天子築臺何顏懷古都義  
血不染戰場草寧甘北首陰山老空垂遠涕望漢  
天難洒茂陵松栢邊

靈巖寺上方

霸業銷沉煙樹濃吳王臺殿梵王宮屨廊人去土



花碧香逕僧歸秋葉紅颺母射岳風動地蛟精徙  
穴霧迷空明朝江郭重回首寺在翠微蒼靄中

天鏡大滌山道士

童顏幾寒暑編葉當衣裳琴古面無漆栢枯身有  
香樹精爲老僕石髓作乾糧不語坐松下天風吹  
髮涼

寒風西湖酒家壁画枯木

衡岳喬松道途遠成都古栢山川隔忽驚老樹刺  
眼來疑是顏崖壓東壁拗怒風雷龍虎氣盤摺造

化乾坤力陰連滄海一片秋秀奪西湖兩峰色寒  
雲苒惹霾晝影凍蘚綠泐借春碧醉翁睥睨欲掛  
衣禪伯經營思憇錫烏鳶冥下踏枝空猿猱夜過  
嗔藤瓦鐵榦銅柯嗅不香蒼雪玄煙潤將滴便擬  
攀蘿解糾纏何煩平地生荆棘直須掃去曲碌姿  
揮作昂霄數千尺

客夜思親

老妻病女去淮西慈母居吳鶴髮衰我獨天涯聽  
夜雨寒燈三處照相思



梁隆吉遺馮筆并詩答以長句

吳剛夜入廣寒闕生擒老兔出秋月嫦娥泣雨蟾  
 影孤靈藥不奮玉杵歇桂花凝毫拔蒼綠蜀絲纏  
 金縷湘竹紫蘭葢笑春風愁蓮花仙冠墜簪玉松  
 腹點漆光照眸藤肪搗雪滑欲流樂毅小帖排銀  
 鈎天馬歷塊無九州夢中忘筆那有花古錐畫地  
 飛龍蛇覺來尋錐亦無處但見鳥跡留平沙  
 雲其二喬卷  
 國色雙花相並栽周郎分得小枝來漢宮早有君

王見金屋須教一處開

南岳李道士畫雙松圖

道士醉臥天柱峰睥睨石上千年之老松松精相  
 感入夢寐化作蒼髯雙老龍酒腸空洞生鱗角飛  
 出兩龍醉不覺須臾霹靂撼五岳豐隆縮手不敢  
 捉神靈頃刻歸虛無壁上但見雙松圖松耶龍耶  
 莫能詰棟梁霖雨藏禿筆

明皇臥吹簫圖

珊瑚枕上玉簫橫一曲霓裳萬里行謾道九重宮



殿遠幾曾掩得外邊聲  
寶篆萬里行  
巖嶽小重宮

僧日觀畫蒲萄

玉山道人蒼壁立  
胸瀦萬斛松煤汁  
吐作千年古  
怪藤猶帶西湖煙  
雨濕元氣淋漓草木活  
太陰菌  
蠢蟲蛇蟄須縈翠  
霧瘦蛟走睛抉玄珠  
黑龍泣神  
刻鬼刻字崛奇水精火劑  
光陸離天魔擎來青帝  
寶鯨波涌出珊瑚枝  
墨花酣春馬乳漲醉夢渴想  
西涼姿風牕秋疑  
蠢葉語露架夜憶虬柯垂  
須臾  
掩卷何所見  
月落庭空無影時

喜虛碧自龍虎歸

雨中風帽別真師  
雲滿天壇駕鶴遲  
囊佩山圖行  
幾日棋逢仙客看  
時多丹房芝朮春  
英長玉洞煙  
霞夜夢離定有壺公遠  
相送瓢中添著幾篇詩

琵琶亭

聽徹哀絃淚兩行  
香山居士未心降  
當年杜老吞  
聲哭恨不相逢在曲江

雨蓬為吟友題

家分半席並鷗眠  
興墮吳頭楚尾天  
機杼曉聲柔



櫓月簾帷暝色片帆煙魚龍窟宅同春夢雞犬圖書當夜船咫尺五湖晴景好釣竿閒在草堂前

贊皇昭君曲

毡城萬里風雪寒妾行雖危漢室安漢室已安妾終老妾顏穹廬豈長好漢家將相多良策更選嬋娟滿宮掖單于世世求和親漢塞自此無風塵

吳晉豪華冷劫灰竺乾金刹壓崔嵬玄黃半夜虎

精泄紫翠一峰鰲背來池水暗通浦海入巖扉寒

枕白雲開輪蹄未散鬼吟寂萬壑松風僧定回

送金華黃晉卿之諸暨州判官

潛

夫子今衡鑑斯文屬在茲擅場年鼎盛抱業器瓌奇鸚薦嶄頭角鶯遷奮羽儀詞源傾渤澥筆陣偃蛟螭太極鈞深賦先儒射策辭秋闈前決勝春榜後名馳激切波瀾立鐫鑿物象危光芒牛斗宿標格鳳凰池袍色宮花稱才華制草宜馬驕曾杏苑臚唱果丹墀王事勤州佐官聯逼郡麾談經猶寶地視篆必瓜期漸覺要章寵徐看利澤施治應黃



霸最民定邵棠思郢雪聆高調  
 郇雲喜近披晚陪  
 靈運展早訪董生帷梓匠寧辭  
 斲樗材忝辱知塵  
 凡勞點化傳玩指瑕疵我自哀  
 王粲伊誰說項斯  
 碧山招未隱白髮病相欺歲晏  
 空江急風迴落木  
 悲雨來孤枕夜夢別故人時留  
 滯飄蓬梗攀援折  
 桂枝願言多善政尚得播聲時

夫一觀沈氏盆開雙頭蓮花戲作

一枝傾國又傾城笑並香腮百媚  
 生湘浦二妃窺  
 寶鏡星宮雙六下銀泓金波影  
 儷嬋娟巧玉露心

分沆瀣清曾向鴛鴦屏上看野  
 花空得合歡名

送宗上人遊金陵 別傳

千峰亂水上一榻到應分古像  
 焚香禮寒鐘出定  
 聞瓶離劔池月錫入秣陵雲好  
 去北山住草堂休  
 勒文

吳中菊花盛開

菊花三百六十種處處名園花  
 不同安得化身千  
 百億一花着取一吟翁

悼郭祥卿錄判 麟孫



燕臺氣槩汾陽裔赤驥騰驤彩鳳飛吏鞅晚淹彭  
澤米酒錢春典杜陵衣西山手板情還適東里角  
巾身不歸空有遺文落人世朱絃聲絕賞音稀

題玉環聯轡圖

赭袍紅映縷金衣笑並花驄酒力微試問六龍西  
幸日有人曾侍翠華歸

閔張上卿仙遊錄

漢祖龍飛日真人豹隱中綸音來薊北驛傳起江  
東聖德深弘教玄門厚植功垂衣軒帝治問道廣

成風獸夢符坤極鴻門建震宮雨敷皇澤意雪應  
紫宸衷白玉刊章重黃金範樞雄制詞天藻壘冠  
佩露華濃宣室繁釐受高禰敬祀恭嚴齋迎景祚  
正念格晨穹宇宙樞機運雷霆寂默通扈驂鑿從  
近恩賚上方隆裔演留侯系經開柱史蒙五朝膺  
顯渥百辟仰精忠宗戚勲封盛師生祿秩崇力辭  
君九錫首邁爵三公第宅仙官府逍遙綺皓翁漆  
園春未老蓬島藥何窮詔下瑤京鶴神昇絳闕虹  
自期冲舉去誰識壽齡終霄駕煙霞遠星壇杖屨



空圖容會翰苑遺蹟謾崆峒太土元無象微謔詎  
得工獨存清淨化為國致年豐京師輔長幹關

答無住上人  
公京字山官祿庶幾辭却餘

隱去看看白髮新草堂資盡篋生塵五陵亦有閒  
相識只把黃金笑買春

五念吳江石橋新成  
對雷雲冥冥無色空

五色何年補次寥百弓無地駕瓊瑤老龍千尺臥  
寒玉雌霓半空橫彩綃天路行看星象逼江濤怒  
息水犀囂騎鯨便欲超銀漢直踐台階挹斗杓

淵明像

環堵蕭然瓢屨空不詳姓字一衰翁此身自謂義  
皇上却墮間人畫卷中

答馬懷秀兄弟見訪

移家連晚歲屏跡值春寒舊業遺松逕幽棲遠杏  
壇數椽容膝易五斗折腰難有客來排闥無人為  
整冠諷詩稱鮑照臥雪念袁安下里誰余和高山  
爾自彈迎門屐齒折扶病帶圍寬乍喜交時彥相  
尋到冷官隣驚都騎盛僕出草堂看光價連城壁



風流菽苑蘭老嗟傾蓋晚貧覺布衣單午竈添茶  
 具煙簑罷釣竿傳呼聞杜曲榮耀滿江干文雅多  
 歆艷殷勤少接歡長鯨鈎上掣巨闕匣中蟠筆力  
 千鈞弩禱懷百丈瀾籍通金馬選詔待紫泥乾樂  
 毅曾強趙夷吾遂霸桓貴應聯萬石功定服三韓  
 留取刊彝鼎勲名未汝闕

太白扁舟圖

錦袍煙艇夜郎西酒思金鑿入直時不道相思杜  
 陵老愁吟落月屋梁詩

雨夜懷虛碧

共有煙霞疾襟期江海分故人年老別寒雨夜深  
 聞地肺潛通嶽峩眉秀拂雲何時負笈去稽首五  
 千文

清明病中

少年令節醉花前老病花前服藥眠自檢銅人試  
 榆火午牕燒艾起新煙

簡無功

種種念余髮垂垂懷老禪公卿既無分巾盞欲隨



綠布鞵雲門寺銅瓶雪竇泉他年調水牯鼻孔不  
煩穿

春歸

釀蜜筒香蜂報衙杏梁泥歇燕成家浮萍斷送春  
歸去盡向東流載落花

漁莊爲魏濟民賦

彭澤歸來菊未荒便投簪紱弄滄浪一蓬煙火尊  
鱸興數畝茅茨橘柚香靄迺幾時歌古調蘧條何  
處避殘陽釣閒若枕圖書臥應被人稱是墨莊

雪夜有懷

雪壓狐裘醉玉京夜聞歌吹到天明寒牕病起今  
頭白始聽春蠶食葉聲

竹枝詞

莫折閭門楊柳條帶將離恨過楓橋向道春愁不  
禁蕩蘭舟長放櫓輕搖

唐宮詞補遺

海內昇平服四夷遠邦貢物盡珍奇近頒手詔俱  
停罷獨許南方進荔枝



又

罷朝輕輦駐花邊  
催喚黃門住靜鞭  
三十六宮人  
笑語上前爭索洗兒錢

又

昭陽仙仗五雲中  
遙聽笙簫起碧空  
夜半月明人  
望幸君王自在廣寒宮

又

宮娥隨駕蜀山迴  
春日還從內苑來  
聞道上皇憂  
寢食御前休報海棠開

髮白解嘲

吳霜兩鬢早先秋  
聞道愁多會白頭  
溪上鷺絲渾  
似雪想應無那一身愁

大禹祠

力平水土勢回天  
功業三千五百年  
四海九州皆  
禹跡獨留陵寢越山邊

青衣洞隱者

清泉自盥沐  
髮不冠巾看盡世間事  
爭如林下  
人嘯雲岳谷應坐石鹿麋親  
莫棄茅菴去白桃花



又春

西湖所見

綠闌干護水鱗鱗蘇小門前柳弄春聽得語聲嬌  
不見隔簾佯喚賣花人

貞義女廟

貞女浣紗日行人去國悲生前漂母餽身後謫仙  
詞白月沉魂在黃金報德遲如何孟少府到此不  
題詩

題許山人居

茸茅栖碧巘梯路上雲危樹影池搖曲泉聲石礙  
遲鳥啣丸罷藥猿拾着殘棋見說仙家伴時來覓  
紫芝

江東客中

詩人不是欠生涯野性從前嬾在家冷眼春來元  
有分看山看雪看梅花

秣陵晚眺

天塹鴻流擁積沙石城虎踞謾雄誇山陵青草六  
朝地巷陌烏衣百姓家紫蓋黃旗消王氣瓊枝璧



月弔庭花孤雲更作降旛勢目斷樓船日又斜

田間見

破屋無茅柱脚斜一農頭白病看家年來水滂秧  
難蒔却傷湖塍種藕花

公子家

朱門當道擁高槐拂曉鳴騶散乳鴉紅叱撥驕矜  
匝匝黑昆崙黠解琵琶姬將銀蠟燒明月犬帶金  
鈴臥落花不信銅駝荆棘裏百年前是五侯家

宮詞

月照芙蓉水殿秋仙韶一曲奏涼州高皇尚愛梨  
園舞宜索當年菊部頭

又

條脫金寒翠袖冰羊車夢裏轉轡聲薰爐宿得沉  
香火暖却春纖暖玉笙

姑蘇臺

妖艷分明構禍胎黃金瓊麗更危臺笙歌夜倚東  
風醉粉黛春從南國來原草翠迷行輦跡野花紅  
發舞衣灰豪華肯信今爲沼煙水翻令後世哀



一病文園渴思深祗應惆悵爲鳴琴老來減盡凌  
雲氣却賦長門易酒金  
席上贈歌者

十疋吳綾賞水新一聲歌歇杏梁塵家徒四壁門  
如水那得明珠換美人  
垂虹亭秋日遣興

滿袖玉皇香案煙綵霓背上俯晴川紅黃霜樹珊  
瑚海黑白雲花玳瑁天玄圃空離樓十二丹墀罷

對字三千吟豪醉蘸吳江水寫與騎鯨李謫仙

阿房宮圖

千門萬戶蠹青冥六國脂膏四海兵豈但此中非  
帝業當時猶更有儒坑

送牟都事景陽赴浙東帥幕

應復

蜀郡方齊魯文翁邁雋賢箕裘承憲業星宿近台  
纏宇宙汾陽鼎風雲祖逖鞭閭威分海徼節制控  
閩川餽餉功曾立廉能蹟屢傳儒冠真耀武帥府  
重芳年參畫旌麾右馳驅將相前豪揮驚草檄燕



集見華篇吏牘分占授軍機妙轉旋百蠻元震讐  
諸校益貞堅訓練群材進鈞陶衆彥遷柳營兵鎮  
肅蓮幕綬光鮮除內恩終許安邊詔必憐酒容山  
簡醉騎想葛強聯日月新堯曆車書舊漢天楊雄  
兼賦頌嘉什到甘泉伏惟東朝嘉  
駮網圖夏有  
劔閣清塵犯屬車綱羸馱得荔枝無却嫌畫史才  
情少不作承平舞馬圖

初夏別業

別墅清深無俗人蛛絲牕戶網遊塵綠陰鏤日新  
歡夏紅雨麀花故惱春病去情懷逢酒惡困來天  
氣與茶親壁間烏帽長閒却肯學陶家戴漉巾

燕

啣得香泥去花間日午時玉人方睡起莫訝卷簾  
遲

謝僧遺石鎗

遠寄奇鎗紫玉形寒翁歡喜欲鐫銘茅峰道士傳  
茶訣林屋山人送水經崖瀑松風添瑟縮地鑪槐



火共青熒矮瓶未罄長鏡健且傍雲根飽茯苓

荷錢

拾來虛費藕絲穿暴富池塘積萬千人世不平如  
買得夏天那有益鷗眠

春日野步書田家

翳日橙陰翠幄遮葑圍高下奕枰斜陂塘幾曲深  
淺水桃李一溪紅白花頰尾自跳魚放子綠頭相  
並鴨眠沙春郊景物堪圖寫輸與煙樵雨牧家

客燕雨懷

鄰門飛雨布袍泥遊子魂銷幾夢歸賦有聲華羞  
狗監淚無氣槩笑牛衣客愁萬斛添杯量春瘦三  
分減帶圍不似江南煙艇小柳花如雪菰魚肥

寒食

十日花時九雨風年年百五病愁中春寒不禁香  
篝火紅蠟青煙憶漢宮

舊內臣家老馬

罷直奚官雪滿腮少年曾扈上之回金砧戍削蹄  
多裂玉秣辛酸齒半摧苜蓿地閑春草遍葡萄宮



廢野花開病嘶破櫪秋風夜猶憶先朝較獵來

蠶婦

繅得新絲白將來織素縑自慙非錦綺尙被舞人

嫌

十日端石硯

千年岳璞斬新硯一片琳腴截紫青雲漢帶星來

玉匣墨池蒸雨出滄溟煙開霧歛天晶彩海靜江

澄地典刑要與陶泓作佳傳老磨松液寫黃庭

東風

東風吹綠上汀洲染出江南一片愁長到春來問

芳草不知何地可忘憂

無題 李商隱

粧淺顰深凭綺疏小郎新拜執金吾絃中言語分

明怨裊上腰肢準擬扶翠履鴛寒慵鬪草紅牙馬

暖罷樗蒲無人商略心頭事潛向花間卜紫姑

早鄉田父言

疲牛病喘餓桑間碌碡閑眠麥地乾殘稅驅將兒

子去豆畦却倩草人看



雙陸

金縷紋桑斲局堅紅雲倒浸一池蓮  
星環紫極無多點月印銀潢有兩弦  
行采砧聲鳴素練計籌花片落牙錢  
箇人慣受卑棲苦長爲歸遲罰綺筵

秣陵寓居

荒園日日涉蓬蒿破屋年年蓋把茅  
向石側生花倚勢緣牆直上豈攀高  
歸兮春草蕪三徑老矣松風有二毛  
莫笑家貧拙於事長鬚能壓榨頭糟

春病起卽事

壯懷玉具劒空攜老去金門獻賦遲  
服藥身軀多病日養花天氣半陰時  
愁鄉塵積瑤琴嶽夢境寒生翠被池  
春事幾何公事急可憐蝴蝶掛蛛絲

成贈

天女纖纖罷散花嬰兒一掌玉藏瑕  
寒生鈎弋兩三指春屈柔荑四五芽  
骸垢有瘡膚起粟臂風無力手長麻  
老夫技癢煩消遣休忤仙姑打蔡家

蘭山

琴瑟集

五十四

及古月



分向湘山伴野蒿偶并香草入離騷清名悔出群  
芳上不入離騷更自高

許山人家

四五

桐君種藥隱衡臯竹祖生孫共養高茶脚碧雲疑  
午椀酒聲紅雨滴春槽休糧貌古添清瘦餌木身  
輕長綠毛仙詔未頒遲拔宅家資猶戀一溪桃

答無功歲暮見寄

寄

豆楷灰動擁鑪天品字煨殘骨拙煙詩草病多刪  
枕上眼花書久廢燈前老依蕭寺僧留宿相對蒲

團夜不眠筋力漸衰餘習在夢中去趁暗門船

書趙集賢詩翰後

九天堂闕鬱嵯峨公昔騎龍上大羅文在玉堂多  
煥爛泪經銅狄一滂沱原陵禾黍悲艷鎬人物風  
流繼永和今日吳牋拜遺墨只堪哀怨不堪歌

司馬圖叙生平警句如人家寒食月花影午

時天又如得劍乍如添健僕忘書久似憶良

朋云：即令郊島操觚恐不免斷數韻而六

一字既讀馮海粟子意待序拈出若干聯新



琢驚人，不讓表聖。亟覓翠寒全集讀之。法、  
 如煖歲煉年，在然出之。甚易質之。白家老姬、  
 庶尔解頤。直前至唐人矣。元人不足言也。湖  
 南毛晉識

翠寒集

終

吟嚙集序

詩惡乎變三百篇後變於携手河橋下迨建安齊  
 梁數變至唐洎宋季之詩大變而絕何邪詩關乎  
 風化繫乎氣數士惜驚於時文視詩為長物雖有  
 不工工不及唐矣非詩之變乃時之變也非時之  
 變乃詩之亡也吁詩貴乎變不守一律千變萬化  
 變之不窮惟子美能當之豈惟詩文亦然宋之詩  
 大病不膠攀淺易則窒泥狂怪蒐獵奇事穿穴異



聞失豐厚而收儉約趨窘局而棄高遠不能平澹  
蕭散雍容和緩求如晚唐杜荀鶴方干顧況輩斯  
可矣吳逸士宋子虛詩則不然子虛生景定間未  
弱冠時已廢科舉故惟詩是學大篇如天孫織綃  
雲經霧緯自出機軸小律則日光虹彩渾然金璧  
穠麗縝密而不艷含鬱靜婉而不怨其深於詩之  
變也予客江東會西溪王公稱其才舉茂異弗就  
觀其人淵默似不能言然其詩則超邁有不可掩

者嘗觀其所著翠寒諸作已自畏敬又出其吟藝  
集者覽焉益加信服蓋於本學涵養既深考據尤  
詳所以議論諷刺探賸而闡幽俱各有自惟不汲  
汲於成名而名自然裸著其行業皆然不獨詩然  
也余將泝九江子虛始畀予序其門人王東游來  
速之欲梓以傳第予知子虛者淺矣子虛之不屑  
爲者深焉作詩難序尤難子虛之詩顯果在予序  
則唐三百家無序者詩皆能晦乎係其詩之工拙



爾少陵云詩清句句盡堪傳奚在於序子虛之詩  
 足以重余言也故序之子虛名无吟嘯名集者取  
 列禦寇所謂寐聲亦謙詞也時甲午歲春三月清  
 明日廬陵鄧光薦中父序于京其門人王東菴來  
 必欲如谷而谷自然無善其行業皆然不問其  
 精世以精簡而陳其詞而闡幽身谷有自非不  
 業者實無益也計則益於本學而善其詞者  
 皆嘗購其詞者學寒請於已自其始又出其  
 詞

吟嘯集目錄

妻

禹鼎

講武

魯世家

聞大韶

夷齊

鄭莊公

范蠡

豫讓

毛遂

王蠋

嬰曰

晏子

甘羅

穰侯



須賈

藺相如

壺臧

巫咸

扁鵲

龜策

秋胡妻

過秦

關中

劉蕪媪

發蹤

未央宮

陳平

項羽

楚歌

婁敬

呂氏

女刑

周勃

申白

朝鮮

漢文帝

灌夫

郭吉

樂人竇公

房中樂

韓嫣

夏侯勝

李延年

尚書

壽域

司馬遷



馬援

曹黑瞞

關雲長

左元放

壺公

王夷戎

劉伶

通中子

綠珠

虬髯客

李三郎

顏真卿

張果老

徐佐卿

高力士

田山叟

陸贄

阿大買

張建封妾盼盼

秦十娘

王霞卿

胡琴婢勝兒

仇士良

馮道

敬新磨

李自倫

趙學究

李國主

金明池龜

李芳儀

王介甫

艮嶽



西个湖

王婉容

秦少游女

秦檜

胡澹菴

沈持正

蘇雲卿

岳武穆王

陳同甫

毛惜惜

賈似道

呂文煥湖泉

文文山妾領領

張千載

鄧中甫

張太傅

陸君實

謝疊山

汪紫原

趙震卿妻雍

賈瓊妻韓

葉李

鎰夢炎



吟嘯集目錄

卷一  
 卷二  
 卷三  
 卷四  
 卷五  
 卷六  
 卷七  
 卷八  
 卷九  
 卷十  
 卷十一  
 卷十二  
 卷十三  
 卷十四  
 卷十五  
 卷十六  
 卷十七  
 卷十八  
 卷十九  
 卷二十  
 卷二十一  
 卷二十二  
 卷二十三  
 卷二十四  
 卷二十五  
 卷二十六  
 卷二十七  
 卷二十八  
 卷二十九  
 卷三十  
 卷三十一  
 卷三十二  
 卷三十三  
 卷三十四  
 卷三十五  
 卷三十六  
 卷三十七  
 卷三十八  
 卷三十九  
 卷四十  
 卷四十一  
 卷四十二  
 卷四十三  
 卷四十四  
 卷四十五  
 卷四十六  
 卷四十七  
 卷四十八  
 卷四十九  
 卷五十  
 卷五十一  
 卷五十二  
 卷五十三  
 卷五十四  
 卷五十五  
 卷五十六  
 卷五十七  
 卷五十八  
 卷五十九  
 卷六十  
 卷六十一  
 卷六十二  
 卷六十三  
 卷六十四  
 卷六十五  
 卷六十六  
 卷六十七  
 卷六十八  
 卷六十九  
 卷七十  
 卷七十一  
 卷七十二  
 卷七十三  
 卷七十四  
 卷七十五  
 卷七十六  
 卷七十七  
 卷七十八  
 卷七十九  
 卷八十  
 卷八十一  
 卷八十二  
 卷八十三  
 卷八十四  
 卷八十五  
 卷八十六  
 卷八十七  
 卷八十八  
 卷八十九  
 卷九十  
 卷九十一  
 卷九十二  
 卷九十三  
 卷九十四  
 卷九十五  
 卷九十六  
 卷九十七  
 卷九十八  
 卷九十九  
 卷一百

吟嘯集

一禹鼎也鼎來齊必盛  
 二吳郡同宋无  
 三子虚鼎  
 四列國皆貪禹鼎神  
 五周衰三代寶先淪  
 六不知璽奉高  
 七皇日曾問當時果  
 八在秦率賄齊曰  
 九夏樂古鼎  
 十贊寧要言曰鑄鼎  
 十一象物而知天下  
 十二之美惡禹鑄  
 十三九鼎是也夏亡  
 十四成湯即天子位  
 十五還遷九鼎于亳  
 十六殷亡鼎遷于洛  
 十七夏都平陽及安  
 十八邑夏桀亡鼎遷



來亳乃隔河也夏殷凡幾遷都鼎遷多不明白  
惟周遷商鼎見乎書或問鼎之大小曰昔周微  
弱秦武王興兵臨周以求九鼎王患之顏率說  
齊求救及秦兵退顏率謂齊曰夏桀亡鼎歸商  
商滅歸周其數九一鼎九萬人挽之九九八十  
一萬人也鼎來齊必經魏魏豈不愛鼎耶繇是  
觀之鼎大可知矣或問曰周武王遷商鼎鼎在  
今汲郡如何渡河耶曰如顏率言一鼎用九萬

人士卒師徒器械備具詳于時造舟爲梁越孟  
津而至洛必矣雖遷至河南而安置未得其所  
故成王定鼎于郊鄔或問秦取九鼎曰帝王世  
紀中秦昭襄王自稱西帝攻周廢赧王取九鼎  
事頗蒙昧或問曰漢桓平何言鼎沒泗水耶曰  
秦本紀亦云二十八年使千人沒泗水求周鼎  
不獲而已舒子史纂曰周威烈王二十三年九  
鼎震命韓魏趙爲諸侯九鼎之震此三晉爲諸



侯之兆也三晉之爲諸侯周將不得有其鼎矣此鼎之所以震也鼎淪泗水震者淪之兆也金震水動之也周室衰微號令不從鼎宗廟之寶也宗廟將廢寶鼎將遷故震動也是歲晉三卿篡晉君而分其地威烈王命爲諸侯天子不恤同姓而爵其賊臣天下不附後三世周致胙於秦其後秦遂滅周鼎神物也禹聚九牧之金鑄之以象神物三代傳寶成王定之於洛邑寶之

重之尊之奠之至矣周衰諸國皆欲得鼎畏秦不敢取非秦不足以有之神怪不常前既能震動則沒入水理也宋太丘社亡亡者自亡也社能自亡則鼎能自沒無足疑也鼎誠入秦則始皇必不使人入水而求也按始皇紀曰始皇刻石瑯琊還過彭城齋戒祠禱欲出周鼎泗水使千人沒水求之弗得鼎誠在秦則子嬰降漢必以此藉手矣終不聞劉項有得之者亦不聞有



毀之者秦所鑄金人十二靈爽少矣漢欲徙之  
洛陽則重而不行董卓欲毀則潸然泣下况神  
禹之鼎乎神劍猶能躍入平津之水鼎不爲秦  
用明矣使鼎在秦漢不寶周之鼎而寶秦之璽  
乎鼎誠入泗水明矣然則史何以書鼎入秦也  
鼎三代寶也秦有取天下繼正統之心鼎不入  
秦秦之耻也并周而取其寶器不得鼎無以取  
重於天下鼎之入秦秦之託言也欲以一天下

之心以示得大統也故事有若實而妄者秦得  
周鼎也事有若誣而實者鼎入泗水也理之所  
無而事之必有君子不弃也

講武

軍賦殷周農隙時春蒐冬狩寢陵夷後來武事無  
常典兩兩相當角觝嬉

漢刑法志謂殷周井田而制軍賦春蒐夏苗秋  
獮冬狩皆於農隙以講武事齊桓用管仲作內



政而寓軍令焉晉文公蒐於被廬作被廬之法然其禮已頗僭差又隨時苟合以求欲速之功當故不能充王制二伯之後寢以陵夷魯成公作軍丘甲哀公用田賦蒐獮治兵大閱之事皆失其正戰國稍增講武之禮以爲戲樂用相誇視至秦更名角觝漢武流於魚龍曼衍之屬先王之禮沒于淫樂而講武廢矣

魯世家

魯世家卷之六

幼扶老涉尚斷斷魯道衰微自泗濱慶父叔牙爲亂首豈無揖讓在君臣

肉太史公曰孔子曰甚矣魯道之衰也洙泗之間刺斷斷如也觀慶父叔牙閔公之際何其亂也徐廣曰斷魚斤反東州語也斷斷爭辭也漢地理志云魯濱洙泗之間其民涉渡幼者扶老者而代其任老幼相讓故斷斷如也舒子曰本於讓而爭也老少相讓幾於爭矣孔子知魯道之將



微也歎之太史公觀慶父叔牙閔公之亂魯以  
揖讓相尚而君臣之間至反戾若此故亦歎之  
云云魯賢者四之間其天也幾也昔者法者而  
竊聞招魚八又東也謂也滿滿也精也第也野  
陳完逃難遂奔齊招樂猶存大舜時夫子奚須知  
肉味不圖爲樂至於斯矣魯直之齊也魯四之間  
漢禮樂志曰春秋時陳公子完奔齊陳舜之後  
也招樂存焉故孔子適齊聞奏韶樂喜而聽之

歷三月之久而其聲不忘雖食肉而不知其味  
春秋去舜遠矣舜之治孔子思之而不可得一  
旦得聞韶音如在舜巖廊之下親見鳳儀獸舞  
之盛其樂如此也或者曰齊之田氏乃舜之子  
孫舜以揖遜有天下而田氏乃弑其君故孔子  
聞韶音而歎曰不意韶樂盛德之後乃至於篡  
弑乎有所感也

夷齊



干戈爰及父君間叩馬難令木主還鄉使曾食周粟活千年誰說首陽山

伯夷叔齊孤竹君之二子也父欲立叔齊及父卒叔齊讓伯夷伯夷曰父命也遂逃去叔齊亦逃國人立其中子伯夷叔齊聞西伯善養老盍往歸焉及西伯卒武王載文王木主東伐伯夷叔齊叩馬諫曰父死不葬爰及干戈可謂孝乎以臣弑君可謂仁乎左右欲兵之太公曰義人

也扶而去之武王已平殷亂伯夷叔齊耻之義不食周粟隱于首陽山采薇而食之及餓且死作歌曰登彼西山兮采其薇矣以暴易暴兮不知其非矣神農虞夏忽焉沒兮我安適歸矣吁嗟徂兮命之衰矣遂餓死于首陽山

鄭莊公

囚母幽陰罪已深悔而息向隧中尋更歌其樂融融句不媿林間反哺禽曰左姜左孫公又其妹



左傳鄭武公娶于申曰武姜生莊公及共叔段  
莊公寤生驚姜氏故名曰寤生遂惡之愛共叔  
段欲立之請於武公弗許及莊公卽位請京使  
居之謂之京城大叔祭仲曰都城過百雉國之  
害也先王之制大都不過三國之一中五之一  
小九之一今京不度非制也君將不堪公曰姜  
氏欲之焉辟害對曰姜氏何厭之有不如早爲  
之所無使滋蔓蔓難圖也蔓草猶不可除况君

之寵弟乎公曰多行不義必自斃子姑待之旣  
而大叔命西鄙北鄙貳於己公子呂曰國不堪  
貳君將若之何欲與大叔臣請事之若弗與則  
請除之無生民心公曰無庸將自及大叔又收  
貳以爲己邑至于廩延子封曰可矣厚將得衆  
公曰不義不暱厚將崩大叔完聚繕甲兵具卒  
藥將襲鄭夫人將啟之公聞其期曰可矣命子  
封率車二百乘以伐京京叛大叔段段入于鄆



公伐諸鄆大叔出奔莒公遂寘姜氏于城賴而  
誓之曰不及黃泉無相見也既而悔之賴考叔  
爲賴谷封人聞之有獻於公公賜之食食舍肉  
公問之對曰小人有母皆嘗小人之食矣未嘗  
君之羹請以遺之公曰爾有母遺繄我獨無賴  
考叔曰敢問何謂也公語之故且告之悔對曰  
君何患焉若闕地及泉隧而相見其誰曰不然  
公從之公入而賦大隧之中其樂也融融姜出

而賦大隧之外其樂也洩洩遂爲母子如初舒  
子曰莊公不孝幽其母於城賴微封人考叔之  
言必死其母於窖中聖人不取者絕其惡而去  
之也左氏與其悔而取之隧中見母當有愧死  
果之心何謂其樂融融哉要知莊公之無忌憚也  
甚矣

范蠡

變姓浮齊去止陶越王猶禮大夫朝當時意重黃



金鑄鑄得黃金亦便銷

豫讓

遇我從來國士希報讐伏劍未爲非儻逢智伯重  
泉下莫訴讐深但擊衣

毛遂

兩國從衡倚爭臣遂爲穎脫出囊珍縱饒得與銅  
盤軟十九人皆碌碌人

王蠋

全齊拱手受燕兵義士誰爲國重輕七十二城皆  
北面一時發憤獨書生

通鑑王氏論曰燕伐齊齊七十餘城皆爲燕有  
未聞忠義之士敢拒其師王蠋義不北面於燕  
而死然後齊之士大夫靡然從之七十餘城復  
爲齊有益天下之人豈無忠義之心苟其艱難  
之際有一人爲之唱則聞其風者孰不靡然從  
之哉



嬰曰

十五年曾保趙兒立孤與死兩皆危後來漢璽當傳日魏晉殷勤亦受遺

而晏子齊之士大夫魏然以之十餘年願爲晏子執鞭儔太史公言蓋有繇被罪自傷如石越解驂誰是舊交遊

太史公曰假令晏子在余爲之執鞭所忻慕焉舒子曰賢之也賢之何以自卑之甚也晏子爲

齊相出其御之妻從其門間而闕其夫其爲相御擁大蓋策駟馬意氣揚揚甚自得也旣而歸其妻請去夫問其故妻曰晏子長不滿六尺身相齊國名顯諸侯今者妾觀其出志念深矣常有以自下者今子長八尺乃爲人僕御然子之意自以爲足是以求去也其後夫自損抑晏子聞之薦以爲大夫此婦人乃羞其夫爲之御而太史公願爲之執鞭何哉蓋太史公以李陵故



被刑漢法腐刑許贖而生平交遊故舊無能如  
 晏子解左驂以贖石越父者自傷不遇斯人而  
 身陷刑戮故羨仰之而願爲之執鞭耳曾謂太  
 史公不若彼婦哉

甘羅

函谷關中富列侯黃童亦僭上卿謀此時園綺猶  
 年少甘隱商山到白頭

穰侯

趙韓齊魏等陪臺威振疆秦一旦摧嘗恐諸侯客  
 子到不知張祿入關來

須賈

魏使匆匆始客秦遽逢范叔向猶貧相君擢髮平  
 生罪却賴綈袍是故人

藺相如

完璧歸來難已紆請秦擊缶趙仍書情知兩虎難  
 相鬪望見廉頗卽引車



壺臧

處士藏身自古多博徒能使信陵過壺臧固自知  
名久何處更能求邳他

史記信陵君傳趙有處士毛公藏於博徒薛公  
藏於賣漿家公子閑步往從之遊韓長孺傳於  
梁舉壺遂臧固邳他皆天下名士索隱曰邳音  
質他徒何反人姓名也漢書作至他若邳他是  
人姓名爲天下名士何不著見於史漢書作至

實他是也至他者壺臧之外至於他有所舉皆名  
士也此說爲是

招魂謾說託神巫魚腹空沉楚大夫壺子是人還

是鬼相逢底事一言無

王蒙扁鵲

疾居腠裏藥堪投司命難令骨髓瘳大抵貪生諱  
言死人間何獨是桓侯



言以龜策

龜筮空稽太卜書靈爲江使亦遭漁當時解入元  
王夢盍不先謀避預且

吳泉秋胡妻事一言無

藁砧久宦忘卿卿桑下相逢笑不成既有黃金滿  
婦橐料君官亦欠冰清

士過秦

賈誼區區論過秦庸材中佐復何陳驪山役罷阿

房築形勢雖存那得人

賈誼過秦曰藉使子嬰有庸主之材僅得中佐  
山東雖亂秦之地可全有宗廟之祀未當絕也  
司馬遷曰向使嬰有庸主之材僅得中佐山東  
雖亂秦之地可全而有也三史纂言曰秦之猜  
暴天下土崩瓦解雖有周呂之才無所復陳其  
巧而以責一日之孤誤哉方趙高之弑二世也  
沛公兵已至武關嬰殺趙高卽位才四十六日



而沛公至灞上矣嬰於是時能誅弒君之賊已足快矣其不能保有全秦之計則天理人事皆於是窮矣諚以爲關中之地秦以之興保此猶足以自完殊不知子嬰時關中已非昔日之關中驪山阿房苛賦橫斂刑淫政酷秦人被其毒驅壯強屬之章邯暴骨鉅鹿關中爲虛雖白起商君復生何以施其策哉况中佐乎諚以形勢而言失在德之意矣

關中

星聚關中漢必王沛公先入約三章天時已預昭秦分人事徒知是楚強

史陳餘傳甘公曰漢王之入關五星聚東井東井秦分也先至必王楚雖強後必屬漢蓋五星聚秦分沛公先至必王天下楚雖強而其至後矣此必屬於漢也後字自爲句

劉媪



媪感蛟龍遂有娠信知物怪產真人帝王徵應雖然異生季元繇大澤神

史記高帝父無名曰太公母曰劉媪高祖本紀其諱邦字季媪常息大澤之陂夢與神遇雷電晦冥父太公往視則見蛟龍於其上已而有身遂產高祖班固不叙字季亦不書父太公母劉媪直云母媪常息大澤之陂夢與神遇父太公往視之則見交龍於上此班固刊正之也且刪

去劉字直曰母媪恐疑於同姓也史記曰母劉媪繫夫姓而言也舒子曰信如斯言則媪感神物而生季季非太公之子也明矣太史公欲神異王者之生乃辱之也陶唐之裔至此失其統矣

發蹤

汗馬勞多未議功鄴侯何事獨先封一朝走狗齊烹盡迷却當年逐獸蹤



史記高祖封蕭何爲鄼侯功臣皆曰何未有汗馬之勞顧居臣等上何也上曰諸君知獵乎夫獵追殺獸者狗也發蹤指示獸處者人也諸君徒能得走獸耳至如何發蹤指示功人也漢書班固改作發縱師古曰發縱謂解紿而放之也縱子用反自有逐蹤之狗不待人發也觀師古說以解漢書則善矣漢書此語乃是用史記語也史記作發蹤跡之蹤發蹤者獸之蹤跡所至

必指示其處而狗卽從之也班固改發縱耳師古不可因漢書而音蹤爲縱也宜各隨字爲解可也

未央宮

置酒今朝樂未央以臣無賴大人常而翁當日杯羹語莫不親聞太上皇

高帝都關中未央宮成置酒前殿奉玉卮爲太上皇壽曰始大人常以臣亡賴不能治產業不



如仲力今某之業所就孰與仲多殿上群臣皆

稱萬歲關中未央宮殿置殿前殿奉玉為太

美謂陳平陳國太上皇

行詐黃金四萬斤盡將離間楚君臣有餘更作闕

氏餌秘計區區笑殺人

項羽

一笑天亡霸業休忍仁猶學婦人柔漢家聞購吾

頭急聊贈中郎與五侯終之也固如發難耳

楚歌

羽為虞姬泣帳中季因戚氏怨深宮二歌要且皆

名楚不那風情挫兩雄

項氏至垓下對虞姬而歌高祖令戚夫人楚舞

自為楚歌二闕皆楚聲為美人而歌英雄之氣

則索然矣

婁敬

冒頓兵強以力威和親公主嫁為妻單于世世為



孫婿婁敬當年策最低

婁敬設和親之謀其言曰冒頓殺父代立妻群母以力爲威未可以仁義說獨可以計久遠子孫爲臣耳及究其所以爲臣之策乃曰以漢適長公主妻單于生子必爲太子代單于冒頓在固爲子婿婿死外孫爲單于豈聞外孫敢與大父抗禮哉其言可資一笑

呂氏

漢禍方深未定儲韓彭何事已先誅高皇大度容諸呂身後留將勃掃除

高帝殺韓信殺彭越皆呂氏爲之耳非高帝意也高帝固畏之曰安劉氏者必勃也其畏呂氏憂之至矣

女刑

女子論刑白粲微顧山伐木更恩施漢初呂后能行此仁政還應到戚姬



漢惠帝紀白粲婦人刑也婦人不豫外徭但春  
 鑿米使白三歲刑也元始元年天下女徒已論  
 婦家顧山錢月三百注曰當於山伐木聽使人  
 錢顧工直故謂之顧山謂女徒論罪已定並令  
 婦家不親役之但一月出錢三百以顧人也為  
 此恩者所以行太皇太后之德施惠政於婦人  
 女子既不為鬼薪故使之為白粲但令出錢顧  
 人伐木也

周勃

吹簫豈為樂喪賓簫給喪家為勃貧今日墦間風  
 俗異管絃多是醉喪親

漢周勃傳勃以吹簫給喪事師古曰吹簫以樂  
 喪賓曰吹簫以送葬猶之可也若吹簫以樂喪  
 賓則不可也今俗喪家多動樂樂之恐古亦然  
 立故師古注如此也

申白



吳楚潛謀迹既通諫非申白孰能容  
祗緣詩受浮丘伯故使勞歌相手春

漢景帝時楚王戊與吳王濞通謀申公白生諫  
不聽胥靡之衣之赭衣使杵臼雅春于市師古  
曰為木杵而手春宋祈曰相雅皆助樂者此雅  
謂春而雅歌以相春也申公白生穆生俱為楚  
中大夫初楚元王與三人俱受詩於浮丘伯故  
楚王戊辱之使歌雅以相春也

朝鮮

將軍建議討朝鮮上意憂民在息肩  
吠狗鳴鷄連萬里人間斗粟十餘錢

漢孝文卽位將軍陳武等議曰南越朝鮮自全  
秦時內屬為臣子後且擁兵阻阨選蠕觀望高  
祖時天下新定人民小安未可復興兵今陛下  
仁惠撫百姓恩澤加海內宐及士民樂用征討  
逆黨以一封疆孝文曰朕能任衣冠念不到此



會呂氏之亂功臣宗室莫不羞恥誤居正位戰  
戰栗栗恐事之不終且兵凶器雖克所願動亦  
耗焉先帝知勞民不可煩故不爲意朕豈自謂  
能今匈奴內侵軍吏無功邊民父子荷兵日久  
朕嘗爲動心傷痛無日忘之今未能銷距顧且  
堅邊設候結和通使休寧北陲爲功多矣且無  
議軍故文帝在位二十三年百姓無內外之徭  
得息肩於田畝天下殷富粟斗十餘錢是以海

內富庶興於禮義斷獄數百幾致刑措烏呼仁

哉

漢文帝云蘇武軍夫皆歸劍入也班固因之  
倉粟都錢朽腐盈文皇爲治致升平山東羸老扶  
聽詔願假須臾德化成

灌夫

有詔田蚡宴列侯灌夫罵坐却成仇魏其獨遇將  
軍厚筆力方知太史優



灌夫史記無傳而見於魏其武安傳云灌將軍  
 夫者穎陰人也班固因之而為列傳加以韓安  
 國相附蓋太史公魏其傳云魏其失竇太后益  
 疏不用無勢諸客稍稍自引而怠傲惟灌將軍  
 獨不失故魏其日默默不得志而獨厚遇灌將  
 軍其下乃云灌將軍夫者穎陰人也班氏因之  
 而為列傳又附以韓安國似未知太史公之意  
 也

大郭吉

南越王頭漢闕縣風言天子自巡邊單于小弱猶  
 生奮使者徒遭海上遷  
 漢使郭吉告單于吉卑體好言求見單于及見  
 乃曰南越王頭已縣於漢北闕下今單于即能  
 前與漢戰天子自將兵待邊即不能亟南面而  
 臣於漢語卒單于立斬主客見者而留郭吉遷  
 辱之海上此非以誘說單于之道夫激發人以



言雖豎子亦奮况未至於束手就縛者乎

樂人竇公

兩目因盲衆伎捐三周甲子是臣年樂章猶待明時獻可見前人所守專

漢藝文志孝文時得樂人竇公獻周官大宗伯

之大司樂章桓譚新論云竇公年一百八十歲

兩目盲文帝奇之問因何至此對曰臣年十三

失明父母哀其不及衆伎教鼓琴導引無所服

餌夫竇公自幼喪明則無用於書猶藏之以待  
時樂人所守若是况君子乎

房中樂

聖人作樂制房中情性皆繇不節凶後世有君迷

更甚却和樂器葬深宮

禮樂志有唐山夫人房中樂歌藝文志房中畧

曰房中者性情之極至道之際是以聖王制外

樂以禁內情而爲之節文傳曰先王之作樂所



以節百事也樂而有節則和平壽考迷者弗顧  
以生疾而殞身房中之樂蓋以此也君子於樂  
也其可須臾而忘之哉元城語錄云唐山夫人  
更以孱然一女子其所作樂章格韻高古駸駸乎  
望商周之頌嗚呼與哉皆繼不啻凶凶豈可若也

韓嫣樂

底事江都泣殿除請歸其國衛蔡輿祗知天子威  
儀盛不判韓嫣在副車

佞幸傳江都王望見韓嫣乘副車以爲天子伏  
謁旣過江都王怒爲太后泣請得歸國入宿衛  
比焉

夏侯勝

夏侯篤實古人風禮服明言太子宮近世臨文拘  
諱忌經筵久不講檀弓

夏侯勝爲太子太傅以論語禮服授皇子蕭望  
之從勝問論語禮服師古曰喪服也雖至尊在



上不以喪服爲諱也

李延年

詩經刪後漢千年蘇李河梁句始傳傾國佳人難  
再得當時更有李延年

尚書

二代遺編重典謨古文猶幸出秦餘仲尼定後經  
元凱左氏因何引逸書

尚書孔子所定百篇經秦火劉向奏有七十一

篇漢儒疑之杜氏以春秋左氏所引者皆曰逸  
書蓋元凱未見古人尚書也

王制能明禮樂揚人間和氣致禎祥域開仁壽民  
能濟未濟還驅天橫鄉

禮樂志王吉曰延及儒生述舊禮明王制驅一  
世之民濟之仁壽之域王吉本傳亦作濟今俗  
作躋顏氏注域界也若是躋字合注登陟之義



域平履之區非有崇高之意何故以登陟爲文  
舒子史纂言曰未濟則民在天橫之鄉旣濟則  
民履仁壽之域濟字之義爲長而世俗作躋莫  
知其故

王司馬遷

贖罪無財政坐貧交親誰解一言紛朱家脫急關  
東客自是當時不識君

司馬遷自言家貧財賂不足以自贖交遊莫採

親近不爲一言遂受蠶室之禍嗟夫此貨殖游  
俠二傳所以作也班固謂遷進姦雄崇勢利斯  
不知遷也

馬援

賈胡穴室寄殘軀心逐飛鳶墮海隅只爲瘴鄉無  
藥物故將薏苡當明珠

曹瞞

姦雄睥睨鼎終移築舍譙東志竟齋若使人生盡



如意墓門應表漢征西將軍東志京師晉書人主蓋  
魏武故事載操令曰孤始舉孝廉年少自以本  
非巖穴知名之士恐爲海內人之所見凡愚欲  
爲一郡守好作政教以建立名譽使世士明知  
之故在濟南始除殘去穢平心選舉違悖諸常  
侍以爲強豪所忿恐致家禍故以病還去官之  
後年紀尚少顧視同歲中年有五十未名爲老  
內自圖之從此却去二十年待天下清乃與同

歲中始舉者等耳故以四時歸鄉里於譙東五  
十里築精舍欲秋夏讀書冬春射獵求底下之  
地欲以泥水自蔽絕賓客往來之望然不能如  
意後徵爲都尉遷典軍校尉意遂更欲爲國家  
討賊立功欲望封侯作征西將軍然後題墓道  
曰漢故征西將軍曹侯之墓此其志也

關雲長

一面荊州赤手擎當時華夏震威名平生不背劉



玄德獨有曹公察此情

雲長名羽蜀先主起合徒衆雲長與張飛爲之  
禦侮先主襲徐州使行太守事曹公東征先主  
奔袁紹曹公擒羽歸拜偏將軍禮甚厚袁紹遣  
大將軍顏良攻東郡太守劉延於白馬曹公使  
張遼及羽爲先鋒擊之羽望見良麾蓋策馬刺  
良於萬衆之中斬其首還遂解白馬圍曹公卽  
表封羽爲漢壽亭侯初壯羽爲人而察其心無

留意令張遼以情問之羽歎曰吾極知曹公待  
我厚然吾受劉將軍厚恩誓以共死不可背之  
吾終不留要當立効以報曹公乃去及羽殺顏  
良曹公知其必去重加賞賜羽盡封所賜拜書  
告辭而奔先主

公去左元放

變化千般只是他疑仙疑幻又疑魔曹公謾詫吾  
多智得似先生則劇多



壺公去主似風

擾擾勞生不奈何仙鄉料得少差科欲拋塵事隨  
公去又恐壺中事更多

昔王戎

與楷齊名孰可倫牙籌微污阿戎真竹林只好遊  
嵇阮笑看曾鑽李核人

劉伶

酒澆磊砢作平懷一鍾相隨死便埋箇是先生醒

時語醉中那復問形骸

通子

但覓家中梨栗嘗不拈筆墨學文章乃翁臨老投  
蓮社解舉藍輿亦自強

大綠珠

紅粉捐軀為主家明珠一斛委泥沙年年金谷園  
中燕銜取香泥葬落花

前果虬髯客



隋鼎魚游百沸湯中原豪傑袂爭攘虬髯甘分王  
東海讓與虬須舉晉陽

煬帝幸江都命楊素守西京李靖布衣獻策素  
大悅素旁執紅拂妓目靖靖別妓問吏靖所居  
夜奔靖與婦太原道遇客赤髯而虬其食相得  
曰聞太原有奇氣與同詣劉文靜而見李世民  
乃識是真天子悉以家資贈靖助世民囑靖曰  
十年後聞東南海中得國者可瀝酒相賀靖後

聞海賊千艘入扶餘國殺其主自立為王或曰  
衛公兵法是虬髯所傳也

李三郎

獨跨青驪棧閣間華清休憶夜鳴鑾空教萬馬盤  
旋舞不濟崎嶇蜀道難

顏真卿

搔首中原半賊塵一朝唱義屬孤臣姓名幸達君  
王聽元是家貧食粥人



王平原大守顏真卿知祿山且反因霖雨完城浚  
 濠料丁壯實倉廩祿山以其書生易之及祿山  
 反真卿以平原博平兵七千人防河津真卿遣  
 平原司兵李平間道奏之上始聞祿山反河北  
 郡縣皆風靡歎曰二十四郡曾無一人義士邪  
 及平至大喜曰朕不識顏真卿作何狀乃能如  
 是真卿使親客密懷牒詣諸郡繇是諸郡多應  
 之真卿杲卿之從弟也

對張果老

滄溟幾度見揚塵曾醉堯家丙子春近日喜無天  
 使逼蹇驢留得載閒身

徐佐卿

化作遼東羽翼迴適逢沙苑獵弦開寧知萬里青  
 城客直待他年箭主來

唐天寶十三載九月明皇獵于沙苑雲間有孤  
 鶴回翔上親御弧矢一發而中鶴帶箭徐墜將



至地丈許矯然而起望西南而逝萬衆極目良久乃滅益州負郭十五里有明月觀依山臨水松竹深邃東廊第一院境界幽絕有青城道士徐佐卿者至則棲焉觀中道流常傾仰之一日忽自外至神彩不怡謂院中人曰吾行山中爲射飛矢所中尋已無恙此箭非人間所有吾留之壁上後年箭主當來此可宜付之慎無墜失仍援毫記壁云時天寶十三載九月九日也後玄

宗避狄幸蜀暇日偶遊此觀入堂見挂箭命侍臣取觀則御箭也驚異詢之道士以實對視其題乃前載沙苑遊畋之日也佐卿蓋中箭孤鶴耳其日卽至于斯歟上大奇之自是蜀人無復逢佐卿矣

高力士

將軍謫去上皇危玉鬪體傳日角奇若使老奴居內侍控願那得有金椎



唐上元元年上皇自蜀歸居興慶宮龍武大將軍陳玄禮內侍監高力士侍衛李輔國用事上皇左右皆輕之輔國意恨欲立奇功以固其寵言於上曰上皇居興慶宮日與外人交通陳玄禮高力士不利於陛下大內深嚴奉迎居之上不聽輔國又令六軍將士號泣叩頭請迎上皇居西內會上不豫輔國矯稱上語迎上皇如西內居甘露殿留廷老數人高力士流巫州陳玄

禮勒致仕官人皆不得留上皇不懌因不茹葷浸以成疾崩葬泰陵王銍然記載晏元獻守長安有村民富財云素事一玉髑髏弟兄異居欲分爲數片元獻取而觀自額骨左右皆玉也瓌與非常見之喟然嘆曰此豈得於華州蒲陵縣泰陵乎民言其祖實於彼得之元獻因與僚屬言唐小說載玄宗遷西內李輔國令刺客夜携鐵鎚擊其腦作磬聲玄宗謂刺客曰我固知命



盡汝手然藥法善勸我服玉今我腦骨成玉法  
善勸我服丹今有丹在腦刺客因取丹乃死孫  
光憲續通錄云玄宗將死云上帝命我作孔昇  
真人爆然有聲視之崩矣亦微意也然則此乃  
真玄宗之髑髏也因潛命瘞之泰陵云肅宗之  
罪著矣或云肅宗如祖乙之死可驗其非虛也

田山叟

得道成真出聖朝明皇想見慕仙標潛將靈藥私

官婢更做媒人嫁薛昭

平陸尉薛昭元和中坐謫遇田山叟贈藥一粒  
教令遁去因入蘭昌宮見雲鬟仙衣女子三人  
詢其姓氏長曰雲容張氏次曰鳳臺蕭氏次曰  
蘭翹劉氏飲酣蘭翹命骰子白二女曰今夕佳  
賓相逢須有匹偶請擲骰子遇采者得薦枕席  
雲容數勝遂命薛郎近雲容姊坐昭問夫人何  
許人也何居此容曰妾乃貴妃侍兒妃嘗令獨



舞霓裳於繡嶺宮悅之贈妾詩曰羅袖動香香  
不已紅蕖裊裊秋煙裏輕雲嶺上乍搖風嫩柳  
池邊初拂水詩成皇帝吟諷久之亦有和者妾  
不記耳此時多遇申天師談道妾嘗侍天師茶  
藥因閒處叩頭乞藥師云吾不惜但汝無今日  
之分不久處世如何妾曰朝聞道夕死可矣師  
因與絳雪丹一粒曰汝服之雖死能大其壠廣  
其穴含以真玉踈而有風使魂不蕩冥魄不沉  
寂而有物拘制陶出陰陽數百年若遇生人爲  
偶便成地仙昭因詰天師形狀卽田山叟之魁  
梧也乃大駭曰山叟卽申天師明矣不然何以  
委曲使余符今日之事哉

陸贄

詔下山東感泣來謫歸門竇鎖莓苔奉天以後誰  
持筆不用當時陸九才

大千阿買



夫子儒宗學古文力將言語婉皇墳符郎晚亦登  
高第令姪書何止八分

張建封妾盼盼  
妾未成灰鬢已霜啼紅十載唾茸窗香魂若作樓  
中燕一世孤飛不肯雙

唐張建封節制武寧門下客皆詞人名士至於  
歌舞姝必求知書者盼盼乃徐府奇色也初納  
之燕子樓三日樂不輟時白樂天使經徐訪公

飲邊出盼盼佐酒樂天贈詩云醉嬌無氣力風  
裊牡丹枝張後別構新樓貯寵之公薨盼盼感  
恩誓不他適或有問荅皆以詩有燕子樓集三  
百首公猶子仲素於漢中逢樂天口占其詩三  
章樓上殘燈伴曉霜獨眠人起合懽牀相思一  
夜情多少地角天涯不是長北邙松栢鎖愁煙  
燕子樓中思悄然自埋劍履歌塵散紅袖香銷  
一十年適看鴻雁岳陽回又覩玄禽逼社來瑤



瑟玉簫無意緒任從蛛網任從灰樂天和曰滿  
窗風月滿樓霜被冷燈殘拂臥牀燕子樓空霜  
月苦秋宵只爲一人長鈿翠裙羅黥似煙一回  
看著一潸然自從不舞霓裳曲疊在空箱得幾  
年今春有客洛陽回曾到尚書冢上來見說白  
楊堪作柱爭教紅粉不成灰又一絕云黃金不  
惜買蛾眉揀得如花三兩枝歌舞教成心力盡  
一朝身去不相隨仲素到京覲從祖母出此四

詩示盼盼盼得詩揮涕綴和云自守空閨斂恨  
眉形同春後牡丹枝舍人不會人深意訝道泉  
臺不去隨不食旬日而卒

秦娘

太守風流寵秦娘歌成樂府屬劉郎一般女子臯  
橋住底事無人詠孟光

秦娘本韋尚書家主謳者尚書守吳郡得之命  
樂工誨之琵琶使之歌且舞盡其妙携歸京新



聲善工於是又捐去故技以新音度曲而秦娘  
名徃徃見稱貴遊間元和初尚書薨秦娘爲蘄  
州刺史張恣所得恣後坐事謫居武陵卒秦娘  
無所歸地荒且遠無有能知其容與藝者故日  
抱樂器而哭其聲焦殺而悲劉禹錫聞之爲歌  
其事以足樂府云秦娘家本閬門西門前綠水  
環金堤有時妝成好天氣走上臯橋折花戲風  
流太守韋尚書路旁一見停隼旗斗量明珠鳥

傳意紺幘迎入專城居長鬟如雲衣似霧錦裯  
羅薦承輕步舞學驚鴻水榭春歌撩上客蘭堂  
暮從郎西入帝城中貴遊簪組香簾櫳低頭緩  
視抱明月纖指撥破生春風繁華一旦有銷歇  
劍珮無光履聲絕洛陽舊宅生草萊杜陵松柏  
蕭蕭哀救奩蟲網厚如繭博山爐久傾寒灰蘄  
州刺史張公子白馬新到銅駝里自言買笑擲  
黃金月墮雲中花墜水安知鵬鳥坐隅飛寂寞



旅魂招不歸秦嘉鏡有前時結韓壽香消故篋  
衣山城少人江水碧斷雁哀猿風雨夕朱絃已  
絕無知音雲鬢紅顏私自惜舉目風煙非舊時  
夢尋歸路多參差如何將此千行淚更洒西江  
斑竹枝

暮王霞卿

佳人柔翰吐瓊瑰冰雪襟懷此處開試問三鄉和  
詩者含羞誰似鄭生來

進士鄭殷彝旅遊會稽寓唐安寺見粉壁有題  
云瑯琊王氏霞卿光啟三年陽春二月登于是  
閣臨軒軫恨覩物增悲雖看煥爛之花但比淒  
涼之色時有輕綃捧硯小玉觀題詩曰春來引  
步暫尋幽愁見風光倚寺樓正好開懷對煙月  
雙眉不展自如鈎鄭生和曰題詩仙子此曾遊  
應是尋春別鳳樓賴得從來未相識免教錦帳  
對銀鈎霞卿乃邑宰韓嵩自京師挈之任所嵩



遇暴寇而卒鄭生欣然謁之時霞卿竟辭以疾  
而不見焉但令總角婢子輕綃持詩荅曰君是  
煙霄折桂身聖朝方切用儒珍正堪西上文場  
戰空向中途泥婦人鄭得詩大慙而退唐會昌  
中三鄉有女子題詩于壁曰昔逐良人西入關  
良人身歿妾空還謝娘衛女不相待爲雨爲雲  
過此山進士陸貞洞王祝劉谷王條李昌鄴王  
碩李侗張綺高衢韋冰賈馳十一人和之曰三

鄉畧未聞謁之而不內恧而退者也

胡琴婢勝兒

吳俗祈恩泰伯祠爭圖輿馬獻新奇大王三讓周  
天下翻愛胡琴寵勝兒

吳泰伯祠在閶門之東每春秋市人相率牲醴  
多圖善馬綵輿美女以獻之時金銀行以輕綃  
画侍婢捧胡琴以從其貌勝於舊繪者名其爲  
勝兒蓋他獻者無以匹也女巫方舞有進士劉



景復送客之金陵置酒于廟東通波館忽欠伸  
息寢夢紫衣冠者言曰讓王奉屈劉生隨至廟  
周旋揖讓而坐王語劉生曰適納一胡琴妓藝  
精而色麗知吾子善歌故奉邀作胡琴一曲以  
天寵之生初頗不酣命酌人間酒一杯已醉乃作  
吳歌曰繁絃已停雜吹歇勝兒調弄邏娑撥四絃  
櫛撚三五聲喚起邊風駝明月大聲嘈嘈奔湓  
澠浪蹙波間倒溟渤小絃切切怨颼颼鬼哭神

悲秋窳窳倒腕斜挑掣流電春雷直戛騰秋鶻  
漢妃徒得端正名秦女虛誇有仙骨我聞天寶  
十年前涼州未作西戎窟麻衣右衽皆漢民不  
省胡塵暫蓬勃太平之末狂胡亂犬豕崩騰恣  
唐突玄宗未到萬里橋東洛西京一時沒海內  
漢民皆入虜飲恨吞聲空咽嗚時看漢月望漢  
天怨氣衝星成彗孛國門之西八九鎮高城深  
壘閉閒卒河湟咫尺不能收輓粟推車徒兀兀



今朝聞撥梁州曲使我心神暗超忽勝兒若向  
 邊塞彈征人血淚應闌干吟畢以獻王召勝兒  
 授之王之侍兒有妒者以金如意擊勝兒劉生  
 驚而寤歌傳于吳中晉書東晉西京一都及魏內  
 省仇士良 晉書東晉西京一都及魏內  
 老嬖知難固寵榮晚辭機密保餘生叮嚀莫遣觀  
 書語傳與闍雛謹奉行

馮道

亡國降臣固位難癡頑老子幾朝官朝梁暮晉渾  
 閒事更捨殘骸事契丹

敬新磨

行樂深宮秘莫傳不妨馳騁出遊畋愛民縣令身  
 當殺耕却君王縱獵田

高季自倫

五代兵戈五十春戰爭父子與君臣如何六世同  
 居者尚有深州李自倫



五代晉天福中尚書戶部奏深州司功參軍李  
自倫六世同居本州審到鄉老程言等稱自倫  
高祖訓訓生粲粲生則則生忠忠生自倫自倫  
當生光厚六從同不妄敕以所居飛鳧鄉爲孝義  
鄉匡聖里爲仁和里准式旌表門閭

趙學究

周師南伐阨清流夜奪滁城第一籌他日黃袍加  
馬上可無學究與參謀

宋藝祖事周功業未顯會世宗征淮南駐蹕正  
陽攻壽陽劉仁贍未下而藝祖分兵取滁州距  
壽州四程皆大山至清流關而止關去州三十  
里則平川江南李景國力全盛聞世宗至命大  
將皇甫暉監軍姚鳳提兵十萬守其地藝祖以  
軍五千與暉遇於清流關路隘敗之暉整全師  
入憩滁州下令翌日再出藝祖兵再聚關下且  
虞暉再至詢之村人云有鎮州趙學究多智因



微服訪之得關下山背路學究亦遣人前導誓  
師銜枚夜出直抵城下方阻西澗水漲率衆浮  
水至城下斬關而入暉始聞之旋率親兵擐甲  
與藝祖戰三縱而三擒之遂下滁州執皇甫暉  
姚鳳以獻世宗乘滁州破竹之勢盡救淮南李  
景割地稱臣者繇藝祖先擒皇甫暉首得滁州  
阻固之地故也學究卽韓王普實與藝祖定交  
於滁州卽辟暉德軍節度推官後爲宋宗臣

李國主

春花秋月滿雕闌便到江南亦夢間近日何嘗事  
湯沐只將清淚洗朱顏

李煜歸朝後鬱鬱不樂見於詞語在賜第七夕  
命故妓作樂聞于外太宗怒又傳小樓昨夜又  
東風併坐之遂被禍龍袞江南錄云李國主小  
周后隨後主歸朝封鄭國夫人例隨命婦入宮  
每一入輒數日出必大泣罵後主外聞之主多



宛轉避之又韓玉汝家有李國主婦朝後與金陵舊宮人書云此中日夕只以眼淚洗面人言東金明池龜按此龜蓋李國主小好笑金明數萬龜鑿池休咎不先知直饒龜祖并龜父亦向苗家卜決疑

宋太祖時或詣司天監苗光裔卜卦苗布策成春卦曰當遷徙其人問損人丁否苗曰無害又一人占如前又一人占又問同苗疑之起執其裾

問爲誰其人不得已對曰我金明池龜也前二人吾祖父也今朝廷廣池且及吾穴恐見殺故來問卜幸垂揀苗釋之卽以表聞已而鑿池得龜數十萬下令不得傷一龜盡輦送水中聶心遠云或謂物之靈無如龜故決嫌疑定猶豫必問之龜今禍福休咎龜不自知又決之人人卜之龜龜又卜之人人謂龜靈龜謂人靈人靈乎龜靈乎龜知苗能活我假卜以投苗斯亦龜靈



也靈平靈武海國歌對小以對苗淇亦靈  
李芳儀

破瓜年紀國除時下嫁寧論供奉卑女子那知如  
許事大遼官又冊芳儀  
芳儀江南國主李景女也納土後住京師初嫁  
供奉官孫某爲武疆都監妻生女皆爲遼中聖  
宗所獲封芳儀生公主一人趙至忠虞部自北  
虜歸朝嘗仕遼爲翰林學士修國史著虜庭雜

記載其事時晁補之爲北都教官覽其書而悲  
之與顏復長道作芳儀曲云金陵宮殿春霏微  
江南花發鷓鴣飛風流國主家千口十五吹簫  
粉黛稀滿堂詩酒皆詞客奪錦揮毫在瑤席後  
庭一曲風景改  
淚臨江悲故國令公獻籍朝  
未央勅書築第優降王魏俘曾不輸織室供奉  
一官奔武疆秦淮潮水鍾山樹塞北江南易懷  
土雙燕清秋夢柏梁吹落天涯猶並羽相隨未



是斷腸悲黃河應有却還時寧知翻手明朝事  
咫尺山河不可期倉皇三鼓滹沱岸良人白馬  
今誰見國亡家破一身存薄命如雲信流轉芳  
儀加我名字新教歌遣舞不由人採珠拾翠衣  
裳好深紅暗盡驚胡塵陰山射虎邊風急嘈雜  
琵琶酒闌泣無言數遍天河星只有南箕近鄉  
邑當年十指渡江來十指不知身獨衰中原骨  
肉又零落黃鵠寄意何當回生男自有四方志

女子那知出門事君不見李陵椎髻泣窮邊丈  
夫漂泊猶堪憐江州廬山真風觀李主有國日  
施財脩之刊姓氏于石有太寧公主永嘉公主  
皆李景女不知芳儀者孰是也

王介甫

投老歸耕白下田青苗猶未罷民錢半山春色多  
桃李無奈花飛怨杜鵑

艮嶽



艮嶽冤延花石綱黎民重見築阿房一場雜劇林  
靈素忘却開山劉混康

宋元符末掖庭訛言有鬼茅山道士劉混康善  
捕逐鬼物上聞得出入禁中頗有驗崇恩尤敬  
事之寵遇無比卽其鄉里建道宮甲宇內祐陵  
登極之初皇嗣未育混康言京城東北隅地叶  
堪輿倘形勢少高當有多男之祥始命爲數仞  
岡阜已而後宮占熊不絕上甚喜繇是崇信道

教土木之工興矣一時佞倖逢迎竭國力營之  
是爲艮嶽宣和壬寅成上自爲記命睿思殿應  
制李質曹組各爲賦以進獨太學生鄧肅上十  
詩備述花石之擾末句云但願君王安萬姓苑  
中何日不春風詔屏逐之靖康初李伯紀啟其  
事薦其才召對賜進士出身後爲右正言著亮  
直之名肅字志宏南劍人有拊欄文二十卷詩  
存集中



西湖

故都日日望迴鑾錦繡湖山醉裏看戀著銷金窩  
子暖龍沙忘了兩宮寒  
孫何帥錢塘柳永作望海潮詞贈之流播金國  
完顏亮聞三秋桂子十里荷花遂起投鞭渡江  
之心時人詩云誰把杭州曲子謳荷香十里桂  
三秋那知卉木無情物牽動長江萬里愁南渡  
駐蹕留連歌舞之場遂忘中原悲夫

王婉容

貞烈那堪黠虜求玉顏乾沒塞垣秋孤墳若是隣  
青冢地下昭君見亦羞

金人遷宋二聖北去王婉容隨駕粘罕見之求  
爲子婦婉容車中自刎死虜爲葬之道旁

秦少游女

郎罷滕陰老淚潛黃金誰贖蔡姬還看來山抹微  
雲恨直送蛾眉出漢關



靖康間有女子爲金虜所掠自稱秦學士女道  
中題詩云眼前雖有還鄉路馬上曾無放我情  
讀者悽然曾喪父爲作秦女行云妾家家世居  
淮海淮海文名喧宇內自從貶死古滕州門戶  
凋零三十載可憐生長深閨裏耳濡目染知文  
字亦嘗強學謝娘詩女子未嫌稱博士年長來  
來逢世亂黃頭鮮卑兵入漢妾身亦復墮兵間  
往事不堪回首看一身漂蕩逐胡兒被驅不異

犬與雞奔馳萬里向沙漠天長地久無還期北  
風蕭蕭易水寒雪花滿地經燕山千杯虜酒愁  
中醉一曲琵琶淚裏彈吞聲飲恨從誰訴偶然  
信口題詩句眼前有路可還鄉馬上魂迷不知  
處詩成吟罷更茫然豈意漢地能流傳當時情  
緒亦可念至今聞者爲悲酸憶昔中郎有女子  
亦陷虜中垂一紀暮年多幸逢阿瞞厚幣贖之  
歸故里惜哉此女不得如終竟老死留穹廬空



餘詩話傳悽惻不減胡笳十八拍

秦檜

狡檜何堪作棟梁主和董董保南方軍中一岳先

傾覆難復中原五嶽疆

胡澹菴

銜璧君王拜犬戎不如童孺有羞容姦臣二十年

專柄成得先生疏一封

先生名銓字邦衡號澹菴紹興中爲樞密院編

修官上疏乞斬王倫孫近秦檜三人頭懸之藁

街因貶韶州再貶新州朋友如張仲宗王瀘溪

以詩詞送行者皆遭貶斥居海外二十年孝宗

登極除工部侍郎進解經除龍圖學士初秦檜

嘗書其所最憾者三人姓名于格天閣下曰趙

鼎李莊簡胡銓秦死而趙已先薨惟胡李無恙

故邦衡有詩云閣下大書三姓在海濱猶見兩

翁還洪忠宣公皓還自虜中嘗奏上云銓之書



金國亦有之虜酋悟室嘗語洪云宋有忠臣如胡編修而不用復何爲耶忠信可行蠻貊信矣

沈持正

秦許和盟自虜來黨姦膠固孰能開康王不是蘇州種錯說官家也好斂

持正名樞紹興中爲詹事時和議成語同列云官家好斂上聞之謫筠州携二鬟去數年歸嫁皆處子安言尉潘方壽以詩寄曰昔年單騎赴

筠州覓得雙娥伴遠遊去日但知供夜直歸時猶未識春愁禪人尚有香囊愧道士曾聞炭婦羞鐵石心腸延壽藥不風流處却風流乖厓之操持正有焉

蘇雲卿

遁跡園蔬野老間何勞物色到柴關故人尚欠中興業不出東湖免厚顏

雲卿與張浚魏公友魏公旣相雲卿隱豫章東



湖鬻蔬自給公託帥漕聘之微服乃得見詰朝  
與再至則閉關矣啟之惟書與金在不啟封曾蒼  
山作歌云東湖湖面波渺瀰東湖岸上春土肥  
先生鉏雲明月曉種來蔬甲今成畦把茅蕭蕭  
環四壁此身不願人間識乾坤清夷那復知寸  
心杳緲黃塵隔故人子房今九雲交情不斷江  
湖濱江西使漕却騶騎故作敲門問字人黃金  
百鎰牋一幅多謝春風到茅屋君爲使者吾邦

民見君容我更樵服故人與我情重哉君且歸  
矣明當來明朝啟扉人不見黃金不動書不開  
使者持書三太息封書徑上黃扉側翩翩鶴馭  
雲冥冥空向湖山訪行迹向來桐江嚴子陵曾  
得故人雙眼青芒鞋却踏京華路太史驚誇說  
客星先生得書掉頭去并此湖光不回顧夢夫  
孀婦截髻鬟亦有老大閨中女蒼山此歌可激  
貪鄙張世南宦遊紀聞載宋自適記蘇翁本末



甚詳宋得翁東湖遺址面挹湖山築菴仰高章

泉先生名曰灌園菴大園中文香山北湖西菴

岳武穆王書於殿去其出處大不四兩夢夫

尅復神州指掌間永昌陵側詔師還丹心一片栖

霞月猶照中原萬里山

紹興四年五月岳飛復襄陽府唐州六月復隋

州七月復鄧州飛爲清遠軍節度使紹興十年

秋飛復趙州至朱仙鎮距東京四十五里詔班

師秦檜主和議召飛赴行在楊沂中劉光世劉

錡皆還鎮自是不復出師矣先是飛言和議非

計檜惡之班師詔下諸將皆賀飛表獨曰求暫

安而解倒垂猶之可也欲長慮而尊中國豈其

然乎又曰身居將闡蹟無補於涓埃口誦詔音

面有慙於軍旅此非誓不與虜俱存之名言也

八月飛罷樞密副使虜之入寇也命飛以兵援

淮西卽日就道張俊貽飛書以前途乏糧爲言



飛不爲止及張俊自淮西歸朝反言飛逗留不  
進以糧乏爲辭言飛謂山陽不可守沮喪士氣  
與檜謀令諫議大夫万俟卨交章劾飛遂罷兵  
柄有殺飛之意十一月兀术以書抵檜曰尔朝  
夕以和請而岳飛方爲河北圖必殺飛而後可  
和於是檜與俊謀乃誅王俊告張憲謀還飛兵  
柄執憲使誣服以爲得飛子雲手書獄成檜繫  
飛父子下大理獄万俟卨治誣飛父子致書

于憲令憲措置使飛還軍且謂其書已焚無可  
證者又以淮西事詰飛而所賜御札與往來道  
途日月皆可攷乃收其御札送官以滅迹飛困  
於考掠亦無辭服罪檜一日手書小紙付獄卽  
報飛死憲雲戮于市籍其資徙家嶺南官屬坐  
罪者六人大理卿薛仁輔等皆以飛無罪卨俱  
劾罷之宗正寺士儻布衣劉士升訟飛冤皆死  
之夫朝廷欲議和而有一大帥閭閻然不肯和



言必欲與之俱斃而後已是可置而不問乎故  
爲當時計不去飛則和議不成當其召飛也飛  
豈不知此行之必死哉其數千里而來者非赴  
嘉召也直趨死如犄耳嗚呼飛不肯爲兒女子  
之死久矣大義明於天地大忠著於無窮則飛  
之志也飛忠孝出於天性初從駕渡河留妻養  
母河北陷沒飛遣人求訪凡十八往返而獲迎  
婦母痼疾藥餌必親嘗遇出師則戒家人謹侍

養母喪旣葬廬墓則御札數四強之而後起自  
有狄難飛立志慷慨以必取中原滅讐虜爲念  
自奉甚薄少飲酒能至數斗上嘗戒之曰卿與  
時到河朔乃可飲遂絕不飲吳玠嘗盛飾名姝  
以遺之却而不受上欲爲營居第於行都飛辭  
曰金虜未滅何以家爲其御軍重蒐選謹訓練  
公賞罰明號令嚴紀律同甘苦爲要知書而待  
士濟人之貧行師秋毫無犯有取民一縷束芻



者立斬之尤善以寡敵衆所至多以奇功號爲  
賢將宋孝宗乾道中詔鄂州建飛廟曰忠烈理  
宗寶慶中詔故太師武勝軍節度使鄂王岳飛  
謚忠穆尋改忠武廬陵劉過改之題六州歌頭  
詞于廟曰中興諸將誰是萬人英身草莽氣填  
膺尚如生年少起河朔弓兩石劍三尺定襄漢  
開虢洛洗洞庭北望帝京狼虎依然在何事先  
烹過舊時營壘荆鄂有遺風憶故將軍淚如傾

當年事知恨苦不奉詔僞邪真臣有罪陛下聖  
可鑒臨一片心萬古分茅土終不到舊姦臣人  
世猶白日照忽開明袞珮冕珪百拜九泉下萬  
感君恩看年年三月滿地野花春鹵簿迎神改  
之天下奇男子平生以氣義撼當世其詞激烈  
讀者感焉載金佗編

陳同甫

斫馬徒行氣不群定交十載酒邊文醉中失口江



南事聊贈先生十萬緡  
同甫名亮號龍川始聞辛稼軒名訪之將至門  
遇小橋馬三躍而三卻同甫怒拔劍揮馬首推  
馬仆地徒步而進稼軒適倚樓見之大驚與遣  
人詢之則同甫已及門遂定交稼軒帥淮時同  
甫與時落落家甚貧訪稼軒于治所相與談天  
下事酒酣稼軒言南北之利害南之可以并北  
者如此北之可以并南者如此且言錢塘非帝

王之居斷牛頭之山天下無援兵決西湖之水  
滿城皆魚鼈飲罷宿同甫于叢中同甫夜思稼  
軒性重寡言醒必思其誤將殺我以滅口遂盜  
其駿馬而逃月餘同甫致書于稼軒假十千緡  
以濟貧稼軒如其數與之

毛惜惜

當歌對酒是紅妝寧死羞爲賊佐觴州將馬蹄先  
鼠竄英雄不減北平王



毛惜惜高沙營妓也嘉熙間高沙卒榮全據城  
叛郡守馬光祖聞變逃匿僅以免全賊召惜惜  
佐酒惜惜怒曰汝本朝廷健兒今爲賊吾寧死  
不能爲賊行酒全以刃裂其口立命嚙之惜惜  
至死不絕聲陳藏一曰擊其事有詩云食祿爲  
臣無國士捐軀罵賊有官奴可謂天壤間奇事

賈似道

漢室初興用酈生下齊七十有餘城賈生誤宋城

多少論罪當時直一烹

似道宋嘉熙戊戌因其姊賈貴妃故得赴廷對  
已未北兵攻蜀至潭州理宗以似道爲荆湖宣  
撫策應大使進兵援鄂似道在鄂爲城下之盟  
陰許歲幣故鄂渚退師事定之後目爲已功諱  
言前事北使郝經來尋盟似道拘留真州竟背  
前盟似道乃欺理宗詭曰戰勝而所許歲幣又  
食前言初以鄂渚功自軍中拜右相庚申入相



躡拜平章未幾而北使再至荆湖似道又留之  
漢陽沌口始則請盟終則背盟似道知之天下  
知之獨朝廷不知咸淳丙寅劉整叛丁卯襄陽  
圍警報益急似道雖乞巡邊然亦卒不行也癸  
酉春襄守呂文煥以城降似道復陳行邊之請  
甲戌九月丞相伯顏大會兵于襄樊沿漢江而  
下水陸並進用降人爲向导呂文煥舟師襲郢  
州都統趙文義戰死之大兵達于大江下沿江

諸郡乙亥正月似道始出師遣督集諸路兵共  
十三萬至蕪湖而舒池已降矣二月似道遣宋  
京使軍前請和京與北使來要似道自往似道  
遣阮思聰耿元嘉代行及思聰回知事不就皇  
怖失據陰備快船爲走計諸軍屯丁家洲大勢  
直進我師有反噬之意似道遂許喝轉官資諸  
軍詔曰要官資何用己未庚申官資何在似道  
不能荅孫虎臣夜至似道舟中告急泣曰追兵



已迫夏貴亦曰彼衆我寡委難抵當垂泣而去似道鳴鑼一聲退軍于珠金沙十三萬兵一時潰散失督府印似道奔揚州上表自劾太后旨令淮東帥李廷芝津遣歸里王鏞奏乞下切責六月歸紹興閉城不納王鏞并臺交章言似道喪師誤國之罪方回言似道倖詐貪淫褻驕吝專忍繆十罪乞賜死乃降三官婺州居住言者不已改送建寧翁合奏建寧朱熹講道闕里此

鄉何罪乞將似道遠竄有旨謫授高州團練副使漳州居住下臨安台州簿錄其家朝廷遣鄭虎臣監抑舟次南劍黯淡灘虎臣曰水清甚何不死於此似道曰大皇許我以不死候有詔卽死十月至漳州木綿菴虎臣悉拘其子與妾於別館卽厠上拉其胸殺之殯于菴側或者曰似道以寵妃之弟不學無術處非其據乏休休有容之量忌疾之惡橫于胸中好諛惡直進佞退



賢粉飾太平諱言邊事殺功臣以失士大夫之心行公田以斂江浙之怨主推排以騷動東南之民覈士籍以鉗制東南之士芘敗將則將較之心離吝軍賞則軍旅之心叛日積月累無一非失人心之事卒至誤國擢髮不足數其罪

呂文煥

出戰兵難守亦難不降噍類悉屠殘只將六載無消息太后宮中一問安

劉整守瀘州與曹世雄有斷橋之功賈似道功賞不明整以瀘州降上急攻緩取進圍襄之策與少保呂文德借地開五市因築城置堡江心築臺立橋以遏南兵乙丑丙寅時出兵哨掠稍振而文德死以文煥代守襄戊辰整以大兵圍之文煥在圍六年備殫其力壬申夏張順等載衣薪力戰至城下死之圍不可解矣樊城破以城降大兵攻郢郢人以戰艘截江不得進文煥



知旁有湖可通江大集人力陸地牽舟迂行百  
里至江遂奪沙洋文煥爲前導大兵至臨安屯  
臯亭山文煥與范文虎九騎入城至大內謁宋  
太皇太后

文文山

伶仃海上國家亡吟嘯詩中雪窖香一代英雄惟  
死耳微君幾欲絕綱常

文山諱天祥字履善寶祐乙卯與弟璧同登廷

試理宗擢第一會父革叅先生卒還里開慶已  
未五月臨軒策士除承事郎僉書寧海軍節度  
判官九月江上有變吳潛再相都知董宋臣主  
議遷幸文山上疏乞斬董宋臣以一人心以安  
社稷建團甲用人數事書奏不報還里景定庚  
申僉書鎮南軍節度判官乞祠主管仙都觀辛  
酉除秘書省正字五月殿試考官進拔書郎董  
宋臣覆出爲都知上疏論其惡不報將去除知



瑞州甲子除江西提刑乙亥春報渡江詔諸路  
勤王奉詔起兵除右文殿修撰樞密都承旨江  
西安撫副使知贛州兼江西提刑四月領兵下  
吉州除擢兵部侍郎兵發吉州至道除權刑部  
尚書八月至闕下除浙西江東制置使兼江西  
安撫大使知平江陛辭乞斬某人釁鼓不報除  
端明殿學士解圍常州朝廷以獨松事急趣入  
衛進資政殿學士浙西江東制置大使兼江西

安撫大使守獨松詣闕陳大計不得見伯顏至  
臯亭山除樞密使右丞相懇辭奉旨詣北軍講  
解見伯顏陳大誼留營中不遣次日宰相吳堅  
賈餘慶以下以國降文山責伯顏留使失信罵  
某人逆賊引兵陷國求死北營北置兵守之驅  
與吳堅等赴北至京口亡去七日自通州遵海  
而南至溫州景炎福安登極以觀文殿學士侍  
讀召赴行在授通議大夫右丞相樞密使都督



諸路軍馬章辭改樞密使同都督諸路軍馬至南劍聚兵授銀青光祿大夫入贛戰雩都捷號令通於江淮復興國縣遣兵攻贛州諸縣皆復前京尹吳浚以北兵說降天祥集將吏責以大義斬之六月天祥兵至吉州戰于終步不利戰于永豐又不利戰于空坑大敗攻贛軍又敗天祥妻歐陽氏并男女之妾皆被執幕僚張汴等皆死天祥與長子道生客杜滿以數騎免趨永

豐收散兵自惠州行朝入覲授少保信國公封母曾氏魏國夫人引兵至潮陽張元帥弘範以水陸兵奄至天祥被執服腦子二兩不死越七日見張元帥天祥踴躍請劍曰此吾死所也張必欲以禮見天祥曰吾不能跪吾嘗見伯顏阿朮長揖而已或曰何不拜天祥曰吾爲國死何拜爾爲張知不能屈遂揖見至厓山張元帥令作書招張世傑天祥曰我不能挾父母乃教人



背父母得乎有死而已不能從也乃作詩復命云人生自古誰無死留取聲名照汗青張元帥謂天祥曰國亡矣政使殺身爲忠誰復書之天祥曰商非不亡夷齊自不食周粟人臣各盡其心何論書與不書張爲之改容遂拘北船道經吉州痛憤八日不食不死乃復食至燕與樞密院官博羅等語不屈庚辰辛巳壬午在獄作贊擬臨終時書衣帶間云吾位居將相不能拯社

稷正天下軍敗國亡辱爲囚虜當死久矣被執以來欲引決而無間今天與之機謹南向百拜以死贊曰孔曰成仁孟云取義惟其義盡所以仁至讀聖賢書所學何事而今而後庶幾無媿宋宰相文天祥絕筆壬午歲十二月九日竟受刑于燕友人張毅甫負公首并骨歸葬之日毋夫人柩同日自廣至人謂忠孝所感天祥年四十七而歿爲人豐下兩目炯然善談論有忠孝



大節自起兵勤王以至臯亭引見議論不屈忠  
肝義膽出於至誠聞之莫不興起驅之北行京  
口脫去間關萬死繇海道還國赤手起兵經三  
年江西之舉大事幾集英雄無用武之地卒以  
困敗所居對文筆峯自號文山爲文未嘗屬稿  
引筆滔滔不絕尤長於詩有指南吟嘯等集行  
於世

張千載

收骨燕山白日寒  
杲卿髮尚直衝冠  
誰將千載交遊義  
著入文山傳裏看

千載字毅甫廬陵文文山友也文山貴顯屢以  
官辟皆不就文山自廣還至吉州城下千載來  
見曰丞相赴北某亦往遂以故宋官營求江西  
省咨之北寓于文山囚所側近日以美食奉之  
文山知是千載義焉凡留燕三年潛造一櫝文  
山受刑後卽藏其首仍尋訪文山妻歐陽夫人



於俘虜中俾出火其屍千載拾骨寘囊并積南  
歸付其家塋之次日其子夢父文山怒云繩鋸  
木斷其子心動毅然必啟視之則有繩束其髮  
當其云云夢尔且髮尔何足計又萬無繩繫理  
繩見衆服公英爽可畏劉須溪紀其事贊于文  
山像後曰閒居忽忽萬古咄咄天風慘然如動  
生髮如何尋約亦念續芻豈其英爽猶累形軀  
同時之人能不頽泚昔忌其生今妒其死

鄧中甫

居趙園中欲帝秦連寧蹈海忍爲民當時若逐三  
閩去幾失文山一故人

中甫名光薦廬陵人宋乙亥冬携家避地于閩  
次年景炎閩帥趙總卿以書幣辟幹官丁丑四  
月駕至除宣教郎宗正寺簿冬香山警挈家入  
山遇土賊一妻四兒四女三妾十三口皆焚死  
六月改祥興除秘丞兼權禮郎己卯正月除權



直學士二月六日國亡投海若再展轉不沉爲  
北軍鈞致張元帥前令復衣冠爲揖客初自廣  
回得與文文山同舟唱和有詩集文山爲書并  
序曰南海集傳于世張元帥館于趙冰壺家教  
其次子累請爲緇黃不許後得放還廬陵

張太傅

海角捐軀與主亡九原留面見先皇老臣獨有香  
千兩併燕丹心獻上蒼

世傑本信安歸宋擢承宣使乙亥三月自荆湖  
入衛京師丙子正月宋秀王與擇奉二王出宮  
航海時獨松告急文天祥兵三萬自平江來守  
獨松世傑兵五萬諸勤王兵約四十餘萬天祥  
與世傑密議今兩淮堅壁閩廣全城王師且衆  
若與之血戰萬一得捷兩淮之兵截其後國事  
猶可爲也世傑力議出師爲陳宜中沮之先是  
世傑道過饒州謁舊相江萬里於私第飲醉世



傑謂萬里曰國事如此丞相如何萬里曰力不能報朝廷惟有死耳世傑曰丞相之言是也吾盡吾職分延得一日也是趙家一日之天下如不可爲亦卽有一死庶幾可見趙皇於地下世傑忠宋之心已見於此時矣丙子春世傑至福州行朝授少保七月壬申世傑兵圍泉州收淮軍及陳吊眼許夫人諸峒畬軍兵威稍振蒲壽康開城拒守興化陳瓚起家丁五百人應世傑

八月謝洪永任進攻泉州南門不克蒲壽康陰賂畬軍攻城不力王績翁遣人至北軍唆都處趣兵十一月丙申唆都大兵至福州城陷至泉州世傑解圍去祥興衛王立授太傅二月戰于厓山嘗與祥興王約曰萬一事不可爲則老臣必死於戰臣有沉香一株重千餘兩是時當焚其香爲驗香烟及御舟卽遣援兵不然宜速爲之備無墮其計二月六日自曉交戰至午適是



日潮不退北軍欲退亦不能遂死戰兩軍大潰  
世傑儼立船首焚香拜天泣曰臣死無以報國  
不能翊輔其主惟天鑒之繼而風作舟遂沉鳴  
呼山管輅斬輿王降曰萬一寧不百念限法田  
陸君實圖去斬輿王立對大將二只彈于  
六鼇海上失乘輿天柱臣難隻手扶應有二妃魂  
尚在至今何處望蒼梧餘數人至此軍劉潛與  
君實名秀夫淮安人自維揚募入朝京師宋德

祐丙子正月十三日宋太后命秀王與擇奉二  
王昞昺出宮航海丞相陳宜中張世傑皆先一  
日往文嘉蘇劉義楊亮節張全隨駕楊俞二妃  
從焉丁丑五月朔至福州益王立方八歲改元  
景炎北軍入廣戰于香山海中益王没于礮川  
官兵欲散君實爲尚書曰度宗皇帝一子尚在  
將焉寘此古人有一旅興者今百官有司具軍  
亦有萬餘若天道未絕趙祀此豈不可爲國耶



乃相與奉衛王昺卽位王俞妃生貌類理宗時  
有黃龍自海升入改元祥興除右丞相已卯二  
月北軍大至戰于厓山自曉至午海潮不退兩  
軍死戰君實知不可爲取舟中物悉沉之仗劍  
驅其妻子赴水妻挽舟不肯赴水君實曰而去  
怕我不來登御舟啓王曰國事至此陛下當爲  
國死太皇后辱已甚陛下不可再辱遂抱王投  
于海中淮陰龔開爲立傳白命發五典

謝疊山

鸞鳳麒麟或可羈有兒裹骨遠方歸北行詩上堂  
堂語絕粒如勝歌採薇

疊山名枋得信州人宋景定甲子江東漕圍校  
文發策問權奸誤國趙氏必亡忤賈似道貶興  
國軍時馮夢得知信州恤其家聽其自赴貶所  
三年遇赦得還似道奇其才欲牢籠之使余安  
裕諭意枋得不肯阿附景定庚申三月鄂渚兵



退似道行打算法欲害諸閫臣時趙葵守洪枋  
得爲江西倅舉民義科降招軍錢給義兵米枋  
得曰此不可以累趙宣撫也自償萬楮餘無所  
償乃上書于似道曰千金而募徙木將取信於  
市人二卵而弃干城豈可聞於隣國乃得免焉  
賈改爲江東制置募兵援饒州戰于安仁敗績  
又改于信州軍潰弃家入閩程御史文海鐺承  
旨夢炎交薦力辭不就至元戊子魏參政天祐

執拘北行以詩別妻子朋舊曰雪中松柏愈青  
青扶植綱常在此行天下豈無龔勝潔人間不  
獨伯夷清義高便覺生堪捨禮重方知死甚輕  
南八男兒終不屈皇天上帝眼分明道中不食  
而卒其子持骨歸葬之

汪紫原

百里兵屯一大藩危言三策動乾坤後來趙氏無  
杯土何處松楸葬紫原



紫原名立信於襄危之際以書抵賈似道陳三策一謂內地何所用乎多兵宜盡抽之以過江可得六十萬百里或二百里置一屯設都統七千里江面纔三四十屯設大藩府而處以統攝運掉之緩急上下流相應必無能破吾聯絡之勢者久之日益兵雖進亦可二謂久拘使者在京湖何益不如遣使偕行啗以厚利緩其師期年歲間我江外之藩垣成氣象固且江南之生

兵日益矣三謂此二說不可行惟有準備投拜其意蓋欲激賈行二策也賈得書大怒曰瞎賊敢爾妄語迄諷臺諫罷之紫原歸金陵不數月北兵渡江九江以下皆失守乃以端明招討起公則已無策矣紫原以家囑愛將金明而以金明子從之過淮時似道出督相遇拊汪背而哭曰端明端明某不用公遂至此汪曰平章平章瞎賊今日更說不得賈問汪何向汪曰今日江



南無一寸乾淨地某去尋一片趙家土上死也  
要死得分明後抵高郵竟大慟而絕時人有詩  
云厚我藩垣長彼貪不然銜壁小邦男廟堂從  
諫真如轉竟用先生策第三

趙震卿妻雍氏

夫死身終作宋臣殺身更有婦成仁男兒盡豎降  
旗去女子翻爲守節人

震卿名昂發蜀人也以池州倅攝州事時上流

皆失守趙誓死不降沿江帥闡叅議官沈圻捧  
檄干池趙與飲間泣下慷慨賦詩寄其母弟曰  
欲守則無策欲戰則無兵今世爲國死來生爲  
弟兄城將陷謂妻雍氏曰爾可出避矣妻曰吾  
將安從誓同死耳爾能盡忠吾獨不能爲忠臣  
之婦乎昂發大喜具冠裳寘守倅二印及誥命  
於案大書十六字曰君不可負臣不可降夫妻  
俱死節義成雙遂俱縊死池學之士哭其屍曰



生爲大宋人死爲大宋鬼何以比此心清溪一

泓水

賈瓊妻韓氏

國破家亡泣血吟千年不與妾同沉中流定有當時淚滴作江聲哭到今

巴陵女子韓氏希孟魏公五世孫嫁爲賈尚書子瓊婦岳州破被虜之明日以衣帛書詩自投于江而死詩傳人間哀國亡身虜也末曰借此

清江水葬我全首領皇天如有知定作血面請願魂化精衛填海使成嶺長興州判官沈某託親戚劉光履求吳興趙子昂書此詩傳世光履諾而未言一夕夢一婦人云趣爲我求書庶因大人君子之筆發揚幽憤趙聞而與之乃爲寫一通歸之子昂所序如此

葉李

墨刑上舍解歸驂解后平章在嶺南却恨當時一



杯酒不曾相酌木綿菴

葉李字亦愚宋京學上舍景定間賈似道當國  
李與同舍士蕭至上書詆似道公田關子不便  
專權誤國似道怒嗾林德夫告李等泥金飾堊  
扁不法令獄吏鞫之云只要你做一箇麻糊李  
卽吟詩曰如今便做一麻糊也是人間大丈夫  
筆裏無時那解有命中有處未應無百千萬世  
傳名節二十三年非故吾寄語長安朱紫客盡

心好上帝王書遂遭黥流嶺南乙亥間蒙恩放  
還時似道被罪南行遇于途李贈以詞云君來  
路吾歸路來來去去何時住公田關子竟何如  
國事當時誰汝誤雷州戶厓州戶人生會有相  
逢處客中頗恨乏蒸羊聊贈一篇長短句至元  
中李客燕上書言時相以功至中書右丞因媚  
權臣爲江西李淦性學上書攻之後卒于燕

鐳夢炎



狀首登科宰百僚佞言誤國葬南交他朝總復司  
喉舌主見分明莫解嘲

世祖問趙孟頫曰鐺尚書葉右丞二人優劣何  
如頫對曰夢炎仕宋時臣甫數歲莫知其詳今  
幸得與同事天朝夢炎爲人性重厚篤於自信  
思慮甚遠善斷國事有大人之器李所讀之書  
卽臣所讀之書李所知所能臣亦無不知不能  
上曰卿意豈以炎賢於李哉夢炎在宋狀元及

第位至丞相賈似道懷諛誤國罔上不道夢炎  
徒依阿取容曾無一言以悟主聽李布衣之士  
乃能伏闕上書請斬賈似道是李賢於夢炎明  
矣孟頫惶悚頓首謝不敏夢炎知之尋乞休致  
云

澤魏迄唐名臣集中詠史詩亦不多見逮宋末文

名山如海詠史集亦不多見宋杜句予至元始善如揚

錢崖詠史樂府宋子容吟嘯集凡古七朝野稟吟



雌黃直補皇史所未備足稱詩史矣子容自稱為寐  
 叟又云惜謫鄉人又云多寐之授極而瞑其玩世自  
 放猶五柳先生云不知何許人也鄴中甫以為謙詞謬哉  
 惜霜逼集寧高冷謫予未及見耳酒雲毛多淺

吟嘯集終

吳逸士宋无自銘

逸士宋无字子虛其先固始人曾大父廷瑞宋淳  
 祐中通守涪州祖萬全屢應州解不第咸淳癸酉  
 以兵機干荆湖帥幕甲戌冬阮克已會忠義赴杭  
 與俱至毗陵道卒考國珍持无奔吳家焉先君自  
 場屋頓挫迺銳意韜鈴遂以材畧應樞府辟平江  
 帳前提舉乙亥城附至元辛巳領征東萬戶案牘  
 適病痿无丐以身代省府然之俾典書檄五月官



兵集四明入海舟偕東北向而省左右幕屬各與舟號令不相聞後發者追程冒進得耽羅國蓋前鋒先遭颶風失道而至是七月抵竹島雹雨風交作舟不得泊隨驚濤上下觸擊皆碎幸存而漂經高麗諸山復罹沉疴首髮脫盡瘦骨柴立二親見婦泣而被拜在侍旁書不去手疾未嘗輟吟幼篤信玄道七歲聞誦張陳白丹書信有仙事家嚴命業從事弗違嶠南漠北走萬里不屑寸祿益不以

其道也至元丁亥留江東中丞王公西溪舉茂才以奉親辭四十有所聞遊句曲欲誅茅適親病亟歸年踰知命或者勉以往教乃就人館伸佔畢垂廿載丙子冬扁舟載書歸以疾薄味清齋經年行不用杖已卯八十被褐飢蔬天賜一健日從林下遊家藏書分諸社友餘三蘇文一小帙手抄也壯負氣眠貴富若不經目性畏酒處衆多漠然使遇故人抵掌劇談絕倒而後已初侍親西江從歐陽



巽參學宏詞延祐甲寅以舉業試士時年耳順矣  
所著翠寒集吟嚙集靄迺集寒參冷語壯歲識中  
參鄧公子昂趙公海粟馮公鄧稱以逸士馮命曰  
韻人趙以通吏許非所宜蒙也馮知最晚一見拙  
藁亟序之復資以餼行室趙氏年十九歸予家儉  
素孝謹嘗刲股灼臂禱其親疾事生送終咸藉其  
力秋春節時白首祭拜必慟壽七十四先卒有伯  
道之戚人哀之无生宋景定庚申先子自洛徙荆

湖丁卯襄圍上下流繹騷髫年幹流西東時雖搶  
攘學不怠乙亥世變舊業俱廢遊方遐覽寸陰靡  
留谷隱岩棲暮景將迫泐忍隨時以微吟自怡幸  
保厥躬至于老年不辱其先百歲後得瘞骨先人  
塚傍見曾高於地下亦幸已夫亦幸已夫銘曰埏  
埴爲器而完堅兮庸詎知夫成虧之數焉謂生化  
皆自然而然兮孰爲大空而陶甄曰天與之性本  
仁兮又何賦命之不辰時旣不我偶兮志又不得



信道損者益之今故恬爲遁世之畸民猗鬱陶乎  
中今有長謠之可寫寧浮沉其身今羌自遺於林  
野哀伯道之獨今夫復何誓保厥終於大耋兮與  
造化而推遷還吾有於始無兮返吾真於忽荒俟  
時昌明而來今當有徵于逸士之壙

元至正庚辰十一月望甲子日書時八十一歲

予童時嘗聆故老言吾鄉陳必經恒資前哲王  
光菴議論爲益一日陳謁王不值見按頭一編  
私視之乃宋子虛先生所著吟嚙集退而徧求  
士夫家得之他日胥會陳舉其中一二爲言王  
失驚曰若何已得吾底蘊耶蓋光菴平素藉之  
爲奇談後必經入翰林以博學名海內然予晚  
生實猶未之見也及官儀曹圖行先生翠寒詩  
吾友凌序班季行袖之來語予曰子知子虛復



有吟嚳語乎當併行之季行未幾謝世予亦有  
嶺南之命遂携來鏤諸梓噫人稱杜少陵爲詩  
史以其詩該古今朝野事實可以備史氏之所  
未及載謂之史誠宜然未有自古迄今而一付  
之吟詠者且其有諷有刺有抑揚攻擊吊忠貞  
如未亡誅奸佞於旣滅可謂得褒貶之大義豈  
但資之以生議論也哉觀是集者尚有以知之  
成化癸卯蜡月朔吳郡後學張習謹識

集終

吟嚳集題

吟嚳語者寐叟詩也叟自云懵騰鄉人好寐嗜  
吟吟則寐寐則吟吟作吟嚳聲似夢不覺如醒  
未醒不知吟耶寐耶寐而吟耶吟以寐也真語  
涉雌黃肖侯白主乎仁義褒貶也或問叟姓名  
則曰吾寐吾寐據梧而瞑斯亦亡是翁之流乎  
鄉里但稱寐叟云至元游兆困敦歲子月長至  
日書於商丘之通於叁







